

ნ. შოთლდანიძე

„პაპის =
= ფადოსანი“

„ვეფხისტყაოსანი“

აკტიონისაჲს

«ვეფხისტყაოსანი» თავიდანვე გახდა ჩვენი არქეოლოგიების და ისტორიკოსების კვლევა-ძიების მონაპოვლიათ. მის გარშემო მხოლოდ ამათი ხმა გაისმოდა, ამათი აზრი ტრიალებდა, ყველა დანარჩენი მწერალნი და მოღვაწენი დუმდენ, ამ საგნის შეხებას ვერ ბედავდენ. ერთათ-ერთმა აკაკიმ გაბედა ამ მიღებული ტრადიციის დარღვევა და კიდევაც მიიღო საზოგადოების წყრომა. რა პოეტის საქმეა რუსთაველიო! მას ბევრი მოხვდა განსაკუთრებით იმიტომ. რომ პოემაში დაინახა ქართველი ტიპები, რაიცა, რასაკვირველია, მაშინვე პოეტის მდიდარ ფანტაზიას მიაწერეს. დარღვეული ტრადიცია აღდგა და ძალაში შევიდა.

და აი ახლა. აკაკის კვალს გაყვა ამ წიგნის ავტორი. ეს არა-არქეოლოგი და არა ისტორიკოსი. ეს მიღებული ტრადიციის მეორეთ დარღვევა, იმედია, იქნება საბოლოო, გაუსწორებელი და მით «ვეფხისტყაოსნის» დახშული კარები ფართოთ გაელემა ამ პოემის ყველა მოყვარულთ, სხვადასხვა დარგის მწერლებს და მოღვაწეებს, მასზე ერთი გადაჭრილი შესდგულობის საერთო ძალღონით გამოსამუშავებლათ.

ამ ნაწერში გატარებული აზრები დიდი ხანია შემუშავებული მაქვს, მაგრამ საქართველოში, სამწუხაროთ, დრო არ დამირჩა საჯაროთ მის გამოსათქმელათ და იქ არსებული მდიდარი წყაროებით მის დასასაბუთებლად. აქ, უცხოეთში, ამ წყაროებს მოკლებული იძულებული ვარ ეს შეხედულობანი

წარმოვადგინო უფრო სქემატიურათ. მოკლეთ, შევიჩრდო უმთავრესათ მთავარ ხაზზე, სადაო საკითხების დედა-ძარღვზე და გვერდი ავუხვიო დეტალებს.

ჩემი მთავარი წყარო იყო იქ და რჩება აქაც ერთი და იგივე შრომა—ეს არის თვით «ვეფხისტყაოსანი». მისი გულდასმით შესწავლა. მისი აზრების გაგება. მის ენაში და გამოთქმაში ჩაკვირვება. მის სულსა და გულში ჩაწედენა იძლევა სწორ და ნამდვილ მასალას მასზე ნათელი წარმოდგენის შესადგენათ. პოემის ყველა გამოცემათა შორის მე მიმაჩნია საუკეთესოთ ი. აბულაძის გამოცემა, დიდის სიყვარულით და საქმის ცოდნით შესრულებული და მდიდარი ლექსიკონით შევსებული. მე ამ გამოცემით ვხელმძღვანელობ, თუმცა დართულ კომენტარიებს სრულიად არ ვიზიარებ.

მეორე წყარო. რომელსაც მე განსაკუთრებით ვაქცევ ყურადღებას არის «ქართლის ცხოვრება», თამარ მეფის ხანის აწერილობა რუსთველის თანამედროვე მემატიანესაგან. ამ ორ ავტორთა შორის მე ვხედავ სულიერ ნათესაობას, საერთო დაფასებას და გაგებას. ერთი მიზნის, ერთი საგნისაკენ სხვადასხვა გზით მიმავალათ. ეს ორი ძეგლი ერთი და იგივე ეპოქისა ეკუთვნის ერთ და იმავე თაობას, ეხება ერთ და იმავე ამბავს. შეიცავს ერთ და იმავე საზოგადოებრივ სარკეს.

შემდეგი ჩემი წყაროა თანამედროვე ლიტერატურა, დაწერილი ზემოთ აღნიშნულ ორ ძირითად წყაროების შესახებ—კომენტარიები რუსთაველის, გამოკვლევანი თამარის დროის. პირველი მოდის ორ შტოთ: ერთია ვახტანგ მეფის, ჩუბინაშვილის, მოსე ჯანაშვილის; მეორეა ნ. მარის და მისი მიმდევრების, რომელიც დღეს გაბატონებულათ უნდა ჩაითვალოს. ჭეშმარიტებასთან ახლოს მე მიმაჩნია პირველი შტო. ხოლო მეორეს გადაჭრით ვებრძვი. პირველთა შეცდომა მხოლოდ ის არის, რომ თავისი აზრი სრულიად ვერ დაასაბუთეს

და მით მისცეს საშუალება მეორეთ ჰიპოტეზა სინამდვილეთ გაესაღებიათ. ისტორიულ გამოკვლევათა შორის მე ვსარგებლობ უმთაფრესათ ჯავახიშვილის თხზულებებით, რაიცა წარმოადგენს დღეს ქართული ისტორიული მეცნიერების უმაღლეს მიღწევას.

მე სრულიად არა მაქვს პრეტენზია შეუმცდარობის, ჩემი კომენტარიების უეჭველობის. მხოლოდ ერთში კი ვარ დარწმუნებული: ყველა დღეს არსებულ კომენტარიათა შორის, ჩემი უფრო ახლოს დგას სინამდვილესთან და. მაშასადამე, ამ გზით გამოკვლევის გაგრძელება აღადგენს სრულ ჭეშმარიტებას. ეს კი მოითხოვს მრავალ პირთა და დაწესებულებათა შეერთებულ შრომას: ქართულ უნივერსიტეტში უნდა იქნას დაარსებული განსაკუთრებითი ფაკულტეტი შოთა რუსთაველისა, მსგავსათ უცხოეთში არსებულ ფაკულტეტებისა (მაგ. სორბონის ვიქტორ ჰიუგოს ფაკულტეტისა), რომელიც თავს მოუყრის ყველა მკვლევართ, პროფესორთ და მსმენელთ, რუსთაველის ქმნილების შესასწავლათ, გამოსარკვევათ და ერთი საბოლოო მსჯავრის დასადებათ.

1. მეთოდი.

არის ორი მეთოდი, საკითხისადმი ორნაირი მიდგომა: ერთი იწყებს დეტალებით, ელემენტებით და თანდათან გადადის მთელზე, ხოლო მეორე კი უკულმა: იწყებს მთელით, ცენტრალური მუხლით და თანდათან გადმოდის დეტალებზე, შემადგენელ ელემენტებზე.

რუსთველის ყველა მკვლევარი ხელმძღვანელობს პირველი მეთოდით, ე. ი. პოემის ელემენტების, ფრაზების და ტაქების, შესწავლით, ერთის ყალბათ გამოცხადებით, მეორის შესწორებით, და ასე თანდათან მთელის აღდგენით. ნ. მარს და მრავალ სხვა მის მოწაფეთ მთელი გამოკვლევები აქვთ დაწერილი «ყალბი ადგილების» შესახებ, განსაკუთრებით წინასიტყვაობასა და ბოლოსიტყვაობაზე, რომელთა სიყალბეს თუ სინამდვილეს იკვლევენ სრულიად დამოუკიდებლად მთელ პოემისა, ასე ვთქვათ მის, ხერხემლისა. მაგრამ ვინაიდან საკითხი ეხება პოეზიას, დაწერილს რვა საუკუნის წინეთ და არა მეცნიერებას და ფაქტებს. ამიტომ მსჯელობის საზომი არის არა ობიექტიური, არამედ სრულიად სუბიექტიური თვისების. მარის სიტყვებით, მისი მეთოდის «სიმართლისათვის ლაპარაკობს მკითხველის შთაბეჭდილება. თუ აღდგენილი რიგი მკითხველის თვალში ვერ არის საკმაოდ მკვერმეტყველური მის გასამართლებლათ, საეჭვოა სხვა, მეორეხარისხოვან საბუთებმა შესძლონ ჩვენი შრომის ამ ნაწილის დასა-

ფუძვლება»¹⁾). ამ მეთოდის სიდუსკირე აქედან აშკარაა. «მკითხველის» შთაბეჭდილების მთავარ საბუთად გამოტანა ნიშნავს მეცნიერული საზომის სავსებით უარისყოფას და ფანტაზიაში გადაყარდნას. «მკითხველის შთაბეჭდილებამ» წარმოშვა სიტყვების და ასოების გაღმერთება, მათზე დიდმნიშვნელოვანი დასკვნების აგება. მაგ. ერთ მკვლევარი ვეფხისტყაოსანის დაწერას აკუთვნებს მეთუთხმეტე საუკუნეს იმ საბუთით, რომ მისი გმირები ჯდებიან სკამზე და არა სელზე, ხოლო სკამი კი მეთუთხმეტე საუკუნემდე შემოღებული არ იყოვო. ამ ნაირათ, ერთი სიტყვა სავსებით სწყვეტს პოემის ბედს. მაგრამ წარმოვიდგინოთ მეორე შესაძლებლობა: ვინმე გადამწერმა მეთუთხმეტე თუ შემდეგი საუკუნისამ დიდათ იწყინა ანთანდილის სელზე ჯდომა, როგორ თუ ასეთი დიდი კაცი ასე გლახათ ზისო და სელის მაგიერ სკამზე დასვა. ამ შემთხვევაში ბ. კაკაბაძის მთელი არგუმენტაცია ირღვევა და რუსთაველი ისევ უბრუნდება მეთორმეტე საუკუნეს.

ჩვენ არ ვიზიარებთ ამ მეთოდს. ის მიგვაჩნია მეტად მავნებლათ და მთავარ წყაროთ ამდენი შეცდომების და გაუგებრობის. შეიძლება მან მოგვეცეს ხანდახან დადებითი შედეგი, მაგრამ ეს იქნება შემთხვევითი მოვლენა, უცაბედათ ნახული ჭეშმარიტება და არა თვით მეთოდის ლოლიკური დასკვნა. როცა საქმე გვაქვს ძველ ლიტერატურულ ძეგლთან. ისიც არა ავტორის ხელიდან გამოსულ ხელნაწერთან, მაშასადამე მოკლებული ვართ შესაძლებლობას შევადაროთ ვარიანტები ნამდვილთან, ცხადია ამ მეთოდს აღარ აქვს დასაყრდნობი ფუძე და ვრჩებით პირადი გუნების აშარა.

ამ მეთოდს ჩვენ ვუპირდაპირებთ მეორე მეთოდს და

¹⁾ ნ. მარი. შესავალი და დასასრულის ტაეპები ვეფხის ტყაოსნისა (რუსულათ).

ვეტიკრობთ მხოლოდ ამ ხაზით მივალთ სინამდვილემდე. ჩვენ ვიწყებთ მთელისაგან, ცენტრალური აგებულებისაგან. იმით რაც უდავოა, რაც შეადგენს არსებას, სულს და გულს პოემისას და იქიდან გადავდივართ შემადგენელ ელემენტებზე. ის რაც ეწყობა ხერხემალს, რაც შეეფერება უდაო ნაწილს, რაც აძლევს ძვალს და ხორცს შთაბერილ პოეტურ სულს. რაც ეთანხმება მის შინაარსს,—პოემის მიუცილებელი ნაწილია და მთელთან განუყრელად გადაჯაჭვული. ცხადია, ჩვენი მსჯელობა უნდა იქნას აგებული სწორეთ ამ უდაო «ვეფხისტყაოსანზე», ამ უკვდავ, მუდმივ მის ნაწილზე, რის გაყალბება სკობს მთელ პოემას და მაშასადამე სალაპარაკოც არაფერი რჩება.

ავიღოთ მაგალითი. წინასიტყვაობა ეკუთვნის შოთას თუ ის ყალბია? ამ საგანზე დიდი დავაა დღემდე. როგორ შეიძლება მისი გადაჭრა? საშუალება ერთად ერთია—მისი შედარება მთელთან, პოემასთან. თუ წინასიტყვაობაში გამოთქმული აზრები არ ტარდება პოემაში, ან და სულ მისი საწინააღმდეგო ტარდება, ცხადია ის ყალბია, უვიც პირის მიერ ჩართულია. და პირიქით. თუ წინასიტყვაობა მართლა წინასიტყვაობაა პოემის, აქ თეორიულათ, სხარტულათ გამოთქმულია ის ძირითადი დებულებანი, რომელნიც შემდეგ მოქმედებაში ცოცხალი ჰირებით ტარდება. აშკარაა ის პოემის განუყრელი ნაწილია, ან მთლათ, ან ნაწილობრივ, პოემის შინაარსთან მსგავსებების მიხედვით.

თუ ამ მუშაობას გავაკეთებთ, წინასიტყვაობას პოემასთან შევადარებთ, დავინახავთ, რომ პირველი მართლაც წინასიტყვაა, გეგმაა მეორის. იქ გამოთქმული მსოფლომხედველობის და აზროვნების მთელი თაიგული პოემაში თანდათან იშლება, იფუჩქნება და დრამატიულ მომენტებში ყალიბდება. აქ დასახულია მიზანი და ნაჩვენებია გზანი მისკენ მიმავალნი.

ამნაირათ, პოემაში მოიპოვება ორგვარი მომენტი: ერთია მუდმივი, ძირითადი, ავტორის მიერ შეთხზული, მეორე ცვალებადი, მეორეხარისხოვანი, რომელიც შეიძლება ეკუთვნოდეს და შეიძლება არ ეკუთვნოდეს რუსთაველს. ამ უკანასკნელის გამოკვლევა, მისი ჭეშმარიტი სახის აღდგენა შეიძლება მხოლოდ პირველი, მუდმივი ელემენტის, შემწობით. ეს არის ერთად ერთი მისაღები, ობიექტიური მეთოდი ძველ, სადაო, ნაწერების გასაგებათ და უტყუარი მსჯავრის დასადებათ.

2. მიზანი.

პოეტი იწყებს იმით, რომ მას «უბრძანეს მათდა საქებრათ თქმა ლექსებისა ტკბილისა»... (ტაეპი 1) და ამ ბრძანების შესასრულებლათ სწერს პოემას. ასეთი ამბავი ერთობ ჩვეულებრივი იყო ძველ დროის სამეფო კარზე როგორც ჩვენში, ისე უცხოეთში. თამარს ვინ არ აქებდა, მასზე უეკველია მრავალი ლექსები იწერებოდა, რომელთა შორის ორმა დიდმა ოდამ ჩვენამდე მოაღწია. მაშასადამე სრულიად ბუნებრივია ის რომ პოეტ რუსთაველს ასეთივე ქებათა-ქება შეუკვეთეს; ის აღიარებს, რომ «თამარს ვაქებდეთ მეფესა», რომ წინეთაც «ვთქვენით ქებანი ვისნი მე» (1V) ერთი სიტყვით მოგვითხრობს სასახლეში მიღებულ ჩვეულებას.

ცხადია, რუსთაველის მიზანია თამარის ქება. ქების ფორმა უკვე გამომუშავებული და ცნობილი იყო. ეს არის ოდა. შექება მისი პირადათ. მისი გარეგნობის, სიბრძნის, ჩაცმადახურვის და სხ. მისთვისაც სწორეთ ასეთი ოდა შეუკვეთათ, მას უბრძანეს ქება «წარბთა და წამწამთა, თმათა და ბაგეკბილისა». პოეტმა კი უარყო ეს ფორმა და მის მაგიერ დასწერა პოემა-რომანი. ის კარის პოეტიდან გადაიქცა ნაციონალურ პოეტათ. ჩახრუხაძეს და შავთელს გადააბიჯა. მათი ფორმა, მათი სტილი. მათი შინაარსი სავსებით უარყო და კარი შეაღო მომავალ საუკუნეთა მწერლობაში. ეს კი სრულიად უჩვეულო ამბავია. ოდაში ქება ადვილია, ოდა თავისთავათ ქებას ნიშნავს, ხოლო რომანში განსახლვრული. ცოცხალი პიროვნების გამოყვანა და ქება, ისიც გვირგვინოსანის სრულიად შეუძლებელი და მიუღებელი ფორმაა. ეს არასოდეს არ მომხდარა. არც მაშინ, არც დღეს. აქ მხო-

ლოდ გამოგონილი პიროვნებანი მოქმედებენ და მათი სა-
შუალებით ხატავენ საზოგადოების ზნე-ჩვეულებებს, პირო-
ვნებასაც. ისე კი რომ ამ პიროვნების ფოტოგრაფია არ გა-
მოვიდეს. ამ წესს გაყვა ჩვენი პოეტიც. პოემაში არსად თამარს
არ ახსენებს. მისი ვინაობა არა სჩანს. აქ იბადება საკითხი:
მაშ რატომ ამბობს, რომ ის თამარს აქებს? როგორ შეიძლება
აქო ის, ვისაც არ ახახელებ? ბევრს ჰგონია რომ ეს ადგილი
წინასიტყვაობისა ყალბია. კიდევ მეტი, ბ. კეკელიძის აზრით
მთელ პროლოგსაც კი კავშირი არ აქვს რომანთან¹⁾. პატივ-
ცემული პროფესორი მართალი იქნებოდა თუ ვერ ავხსენით
სად არის თამარის ქება, ე. ი. თუ პროლოგის ეს მთავარი
ადგილი ეწინააღმდეგება პოემას. მეგრამ საკმარისია ჩაუკვი-
რდეთ შემდეგ სტრიქონებს, რომ გამოცანა ნათელი გახდეს:
ავტორი ფჩხილებს ხსნის და ამბობს: «მისი სახელი შეფარვით
ქვემოთ მითქვამს, მიქია» (XIX). შეფარვით ნიშნავს დამალუ-
ლათ, არა ცხადათ. თანამედროვე ენით რომ ვთქვათ. პსევდო-
ნიმით, სხვისი სახელით. ახლა კი აშკარაა პოეტის სავსებით
დამსგავსება თანამედროვე მწერლებისათვის; ის გამოგონილი
პირებით ხატავს მის თანამედროვე საზოგადოებას, პირველ
ყოვლისა კი ამ საზოგადოების მეთაურს თამარს. ფრჩხილე-
ბის ასეთი გახსნა მეტად იშვიათი მოვლენაა. ჩვეულებრივად
ავტორი ამ მუშაობას უტოვებს თვით მკითხველს; მაგრამ.
როგორც ქვემოთ დავინახავთ, რუსთაველი მეტად ინტელექ-
ტუალური მწერალია. მას უყვარს თავისი ნამოქმედარის ახ-
სნა, ქმნის სრულიად შეგნებულად, არ ტოვებს არც ერთ
ბნელ საკითხს გაუშუქებლათ. ეს მისი შემოქმედების წესი
იწყება წინასიტყვაობიდან და ტარდება ბოლომდე.

ამიტომ სრულიად ბუნებრივია მისთვის პსევდონიმის გახს-

¹⁾ ბ. კეკელიძე. ქართული ლიტერატურის ისტორია ტ. II.

ნაც კი. ის წინდაწინ გვაფრთხილებს მთავარი გმირის შესახებ. მაგრამ შეიძლება ეს ადგილი ყალბია? არის მეორე ვარიანტიც. «შეფარვით»-ის მაგიერ ზოგი სწერს «შეფრინვით». რომელია მართალი? მართალია ის. რომელიც ეთანხმება მთელს, ანათებს ბნელ ადგილს, ხსნის ასახსნელს. ასეთია «შეფარვით». ხოლო «შეფრინვით» (ე. ი. სასოებით) კიდევ უფრო აბნელებს გამოსარკვევ საკითხს. თუ კი ქება არ შეიძლება დაუსახელებლათ პირის. მით უფრო არ შეიძლება მისი სასოებით ქება! ეს კარგათ ესმის ავტორსაც და ამიტომ სადაც კი ამ სიტყვას ხმარობს. უქვევლათ ასახელებს პიროვნებას ვისაც ის ეხება. მაგ. «შეფრინვიდიან ავთანდილს გულითა სულწასულითა» (ტაეპი 879). მთელი პროლოგი წინდაწინ გაფრთხილებაა მკითხველის იმაზე თუ რას ნახავს ის შემდეგ პოემაში და რა გასაკვირია თამარის შესახებაც ამასვე სჩადიოდეს.

ამგვარათ, ავტორის მიზანია თამარის ქება, ეს პიროვნება მას გამოყავს სხვა სახელით და ამ გზით ასრულებს დავალებას. ეს მის მიერ წინასწარი განცხადება, როგორც ვთქვით, სავსებით ეთანხმება მის შემოქმედებითი წესებს. მაგრამ ამ გზის სახიფათობა მისთვის აშკარა იყო. თამარ მეფის უბრალო ფოტოგრაფია, თუნდაც სხვისი სახელით და ჩინებული პოეზიით, მას გადაამტერებდა ოდაზე აღზრდილ სასახლეს და შეიძლება მეფის შეურაცყოფაც დაებრალეზებიათ მისთვის. ამიტომ ავტორი აკეთებს ღრმა დივერსიას, იგონებს სახელებს, ქვეყნებს. ასწერს ვითომ შორს, უცხო ქვეყნებში მომხდარ ამბებს. და მით ცდილობს შეაპაროს მისი დროის საზოგადოებას ნამდვილი ქართული ამბები. მან მართლაც ჩინებულათ დაფარა უცხო სახელებით ქართული სახეოები, ისე ჩინებულათ რომ დღესაც ბევრს დავთარს უბნევს, მაგრამ შინაარსით კი ვერ დაფარა და ეს არც იყო მისი მიზანი.

პოეტმა, მაშასადამე, მიზნათ დაისახა თამარის ქება არა

ოდით, არა პირდაპირი შესხმით, არამედ რომანის საშუალებით, ამით მან დაისახა მეორე მიზანიც—ეს ქება გაეტარებია მისაღები ფორმით, გამოგონილი ფაბულით, რომელსაც გარეგნულათ არავითარი კავშირი არ ექნებოდა არც თამართან და არც საქართველოსთან. «ესე ამბავნი უცხონი უცხოთა ხელმწიფეთანი» გადაიქცა შირმათ, რომლის საფარველს ქვეშ პოეტი ემსახურება დასახულ მიზანს. მაგრამ ეს კიდევ არ აღმოჩნდა საკმარისათ ყოველივე მითქმა-მოთქმის ძირშივე მოსაქრელათ, პოემის წინააღმდეგ ბრძოლის გასაქრობათ. პოეტი ჩვეულებისამებრ აცხადებს წინასიტყვაობაში, რომ ეს ამბავი მან სპარსულიდან გადმოიღო და, მაშასადამე, მის უცხოობაში დაექცევა ცი არ შეიძლებაო. ის სწერს: «ესე ამბავი სპარსული ქართულათ ნათარგმანები, ვპოვე და ლექსათ გადავთქვი» (IX). შეიძლება ეს მისი განცხადება უკრიტიკოთ მივიღოთ? საკმარისია კარგათ ჩაუფიქვინოთ ამ სტრიქონებს. რომ მასში დაფარული სიმართლე გამოვარკვიოთ. აქ ორი შეუსაბამობაა: ერთია «ესე ამბავი სპარსული», ნამდვილათ კი მთელ პოემაში სპარსული ამბავი სრულიად არ მოიპოვება; მთელი ამბავი ეხება არაბეთს და ინდოეთს. ყველა მომქმედი გმირებიც ამ ქვეყნებიდანაა. სპარსეთიდან მხოლოდ სასიძო მოდის, მაგრამ ის მხოლოდ პასიურს. წარმავალ როლს თამაშობს და არც რაიმე კვალს სტოვებს პოემაში. ერთი სიტყვით, ამბავია არაბულ-ინდოული, არავითარ შემთხვევაში სპარსული. მეორე შეუსაბამობაა სიტყვა «ვპოვე»; ეს სიტყვა პოეტის მიერ ხშირათ იხმარება და ყოველთვის ერთი და იმავე შინაარსით, ნახვა ისეთი რამის, რაც სხვამ არ იცის, არავის უნახავს. «საწოლს ვპოვე ესე მისგან დანაწერი» (712) ან «წავალ ვქებნი ანუ ვპოვებ ან სიკვდილი მოვიადრო» (741). გამოდის რომ «ესე ამბავი სპარსული» არავის სცოდნია, გავრცელებული არ ყოფილა და მხოლოდ პოეტს უპოვია. განა

დასაშვებია ის აზრი. რომ ასეთი მშვენიერი ამბავი არსებუ-
ლიყოს ქართულათ და ის დამალულათ დარჩენილიყოს? ყო-
ველ შემთხვევაში ამ «ამბის» ერთათ ერთი მოწამე რუსთავე-
ლია. მე ვიპოვე, თვითონ არ შემითხზავსო, ხოლო სხვა წყა-
რო მისი მოწმობისა არ არსებობს. არც ქართულ, არც სპარს-
სულ ენაზე.

შეიძლება ეს ტაეპი ყალბია? არა, და ეს იმიტომ რომ
ეს ტაეპი სავსებით ეთანხმება ავტორის მიზანს—თამარი აქლს
«შეთარვით», გამოგონილი გარეგანი ფორმით; უამისოთ მე-
ფე-დედოფალი სააშკარაოზე იქნებოდენ გამოყვანილი და მით
დიდი სკანდალი დატრიალდებოდა. ეს ტაეპი აძლიერებს
პოეტის ცდას სქელი გრიმებით ასწეროს ქართული ამბები.
ის კვალს გვიბნევს მხოლოდ, არაბული ამბავი სპარსულს მი-
აწერა და ისიც მხოლოდ მან გაიცნო. ე. ი. მთელი პასუხის-
მგებლობა გადააბრალა უცნობ უცხოელ ავტორს, რომლის
დაკითხვა და სიმართლის აღდგენა შეუძლებელია. ამიტომ
ჩვენ სამართლიანად მიგვაჩნია ვახტანგ მეექვსის შენიშვნა,
(1712 წ.) რომ მთელი ეს ამბავი გამოიგონა რუსთველმა, «თვა-
რა სპარსეთში ეს ამბავი არსად იპოვება»-ო.

მიუხედავათ ამდენი მიხვევ-მოხვევისა და გრიმისა, ამ-
დენი ცდისა დაეფარა თამარი სქელი უცხო სამოსელით, თა-
ნამედროვე საზოგადოებამ მაინც აღმოაჩინა პოემაში მეფე-
გვირგვინოსანი. ამის საბუთს ვტყობილობთ ჩახრუხადის შე-
სხმიდან, სადაც ბოლო ტაეპი, ალბათ გადამწერის მიერ მი-
მატებული, თინათინში პირდაპირ თამარს ხედავს. ამასვე
მოწმობს «ვეფ. ტყაოსნის» ბოლოსიტყვაობაში ვალაცას მიერ
ჩართული ტაეპები, რომლითაც მთელი პოემა დამცირებუ-
ლია, მისი მნიშვნელობა გამრუდებულია. აქ ნათქვამია, რომ
«ესე ამბავი გავლექსე მე მათად საკამათებლად», ე. ი. მეფის
გასართობათ, და «ამითა ვილაყფეთანი», მაშინ როდესაც

რუსთაველი წინასიტყვაობაში გასართობ ლექსებს გმობს. ნამდვილი ლექსობა-შიაირობა—პირიქით, «სიბრძნისაა ერთი დარგი»; მაშასადამე სალაცხო აქ არაფერია. ასეთი ანტირუსთველური კომენტარიების თვით რუსთველისათვის მიწერა საქირო გახდა თამარ მეფის დასათარავათ პოემისაგან. ყალბის მქნელმა ვითომ გააძლიერა რუსთველის შირმები. მაგრამ ეს ჩაიდინა სრულიად არარუსთველურათ, არამედ ბრიყვულათ.

ამნაირათ. წინასიტყვაობის ფორმალური განხილვაც კი საკმაო საბუთს იძლევა იმისას, რომ ვთქვათ—«ვეფხისტყაოსანში» მართლაც თამარ მეფეა შექებული, აწერილია საქართველოს ამბები. ამ დებულების უეჭველობას კიდევ უფრო ნათელყოფს პოემის შინაარსის განხილვა.

3. «ესე ამბავი»

პოემის «ესე ამბავი» ანუ. ახლანდელი ენით რომ ვთქვათ, მისი ფაბულა შეიცავს ორ მთავარ მომენტს: არაბეთში როსტევან მეფის მიერ თავისი ერთად-ერთი ქალის ტახტზე აყვანას და შვიდ სამეფოთ დაყოფილი ინდოეთის ერთ სამეფოთ გადაქცევას. საიდან აიღო ავტორმა ეს ამბები?

ქალის მეფობა არ იცის არაბეთის ისტორიამ; საზოგადოთ ქალი-მეფე არ არსებულა არც აღმოსავლეთში. არც დასავლეთში—საბერძნეთ-რომში. ერთად-ერთი ქვეყანა სადაც ქალი გათანასწორებული იყო კაცთან—ეს არის ძველი ეგვიპტე. მაგრამ აქაც ქალი ტახტზე არ დაუსვამთ სულ ბოლო დრომდე, პტოლომეის დინასტიამდე. როცა კლეოპატრა ცნობილი ვერაგობით დაკანონიერი მემკვიდრეთა დახოცვის ტახტზე ავიდა და თავისი მეფობა დაუსრულებელი სკანდალებით აავსო. ასე რომ ეს ერთი მაგალითი ქალის მეფობისა უფრო უარყოფითი ხასიათის გამოდგა და ის ვერც ერთ დიდ პოეტს ვერ აღაფრთოვანებდა. ქალისადმი სრული უარყოფითი დამოკიდებულება ახასიათებს განსაკუთრებით მაკმადიანობას, ისლამის მოძღვრებას ისე როგორც ბრამისას. (ინდოელთა) რასაც პირდაპირ ეწინააღმდეგება რუსთაველის დებულება «ლევკი ლომისა, სწორია ძუ იყოს თუნდა ხვადია». და მას, რასაკვირველია, არაბი-ვეზირები ვერ იტყოდენ.

ერთი სიტყვით, რუსთაველს არ შეეძლო მოენახა აღმოსავლეთის ისტორიაში, მით ნაკლებ არაბეთისაში, ქალიშვილის გამეფება. და ან რატომ უნდა ეძებნა ეს ამბავი იქ. სადაც არ იყო. და არ დაენახა იქ. სადაც იყო. სადაც ნამდვილათ მოხდა და ესეც მის თვალის წინ. ეს იშვიათი ამბავი გახლდათ

საქართველოს მეფის გიორგი მესამის მიერ თავისი ერთადერთი შვილის თამარის ტახტზე აყვანა თავისავე სიცოცხლეში. ეს იყო პირველი ქალი-მეფე ჩვენში. მანამდე ასეთი ამბავი არც საქართველოს ისტორიამ იცოდა. მართალია აქ ხშირათ მეფეს მემკვიდრეთ ქალიშვილი რჩებოდა, მაგრამ მას რთაედენ უცხო ბატონიშვილს და ტახტზე მისი ქმარი აყავდათ, როგორც ეს მოხდა მაგ. მეოთხე საუკუნის დამდეგს, როცა ასთაგურ მეფის მემკვიდრე ქალს ქმრათ მოგვარეს სპარსეთის მეფის ბუში შირიან და ტახტზე აიყვანეს. თამარის გამეფების ამბავი აწერილია დაწვრილებით «ქართლის ცხოვრება»-ში, ხოლო თინათინის გამეფება «ვეფხისტყაოსანში». ამათი შედარება ნათელ ყოფს მათ მსგავსებას, ერთი მეორის განმეორებას. ხშირათ ერთი და იგივე სიტყვითაა ცკი. აი ამ ორი აწერილობის ნიმუშები:

«ქართლის ცხოვრება»: მეფე გიორგიმ მოიწვია დიდებულნი, ვაზირები, სპასპეტები, სპასალარები, სასულიერო პირნი და მათი თანადასწრებით თავის ქალს თამარს «დაადგა თავსა მისსა გვირგვინი ოქროსა მის ოფაზისა. აღმკული იაკინთთა და სამარაგდოთა მიერ, და მდიდარნი ერისანი ლიტანიობდენ წინაშე პირსა მისსა და თვით მეფემან მთიცებელმან ერთგულობისა და ერთსულობისა მისისათვის»... (გვ. 274) *).

ხოლო როცა მამის გარდაცვლის შემდეგ თამარი ფაქტიური მეფე ხდება, ხელახლა შემოკრბეს მთავარნი და დიდებულნი «თაყვანი სცეს, დალოცეს და ადიდეს სპათა შვიდთავე სამეფოთა და დაიპყრეს თავისი ადგილი...» ხოლო თამარმა «განახენა საუნჯენი მამა-პაპათანი და განფინა ყოველთა ზედა მოწყალებანი და შეწყნარებანი... არა დაუტოვა მოქენე რა-

*) ვსარგებლობ ბროსეს გამოცემით 1849 წელს.

მელსაცა ზედა არა უხვებით მოფინა წყალობა და სამართალი”
(გვ. 278, 279).

«ვეფხისტყაოსანი»: მეფე როსტევეანი იწვევს ვაზირებს და მათ უხიარებს თავის აზრს თინათინის გამეფების შესახებ. ვაზირნი უწონებენ ამ ნაბიჯს; შემდეგ მეფე იწვევს დიდებულთ. სპასკეტებს, ჯარებს და მათ უფროსებს და სხ. მეფე-ქალის სანახავათ.

«თინათინ მიჰყავს მამასა პირითა მით ნათელითა,
დასვა და თავსა გვირგვინი დასდგა თავისა ხელითა,
მისცა სკიპტრა და შემოსა მეფეთა სამოსელითა...»

«უკუ დგეს და თაყვანი სცეს მეფეთა და მათთა სპათა,
დალოცეს და მეფეთ დასვეს, ქება უთხრეს სხვაგნით სხვათა...»

შემდეგ თინათინი იწყებს ქველმოქმედებას.

«გასცა უზომო, უანგარიშო ულავი. უბრძანა:

«წადით გახსენით რაცა სად საქურქლენია,

ამილახრო, მოასხი რემა, ჯოგი და ცხენია

მოიღეს, გასცა უზომო, სიუხვე არ მოსწყენია...»

«არ დაარჩენს ცარიელსა, არა ყმასა და არცა ქალსა...»

(ტაეპები 3—24).

როგორც ხედავთ ისტორიკოსის მიერ მძიმე ენით აწერილი ცერემონია აწერილია რუსთველის მიერ მსუბუქი ენით, პოეტურათ. სურათი ორივესი ერთნაირია, არავითარი არსებითი განსხვავება მათ შორის არ მოიპოვება, გარდა გარეგანი ფორმისა. ორივე აქებს თავიანთ გმირს—ისტორიკოსი თამარს, პოეტი თინათინს, ორივე ერთნაირათ ხასიათდება.

ერთი სიტყვით. ექვს გარეშეა ის, რომ ამბავი თინათინის გამეფებისა არის ამბავი თამარის გამეფებისა, ეს ქართული ამბავია. არაბულათ გამოტანილი.

ასევე უნდა ითქვას მეორე ამბავზე—ინდოეთის შვიდ სამეფოს ერთ სამეფოთ გადაქცევაზე. ბ. კეკელიძე მართალია,

როცა ამბობს რიცხვი შვიდის მნიშვნელობაზე სემიტურ ქვეყნებში. შვიდი ყველგან საყვარელი რიცხვია და დიდ როლს თამაშობს; ქვეყანა შვიდ დღეს გაჩნდა, კვირე შვიდი დღისაგან შესდგება, მნათობები შვიდია. მაგრამ ამ ამბის ფაქტიური მხარე მხოლოდ საქართველოს შექმნა პოეტისათვის მიეცა. მისი სიტყვები «ინდოეთს შვიდთა მეფეთა ყოველი კაცი ხართ მცნობელი...» (236). სრულიად არ შეესაბამება ინდოეთის სინამდვილეს. ეს ზღაპრული ამბავია, ნამდვილათ კი ინდოეთი ყოველთვის იყო და არის დღესაც დაყოფილი მრავალ ასეულ დამოუკიდებელ ერთეულებათ და არასოდეს ერთ სამეფოთ არ გადაქცეულა. სამაგიეროთ საქართველოში კი მოხდა შემდეგი: «ქართლის ცხოვრების» თქმით ქართველი ერი თავიდანვე იყოფოდა შვიდ თემათ: წაფხაზეთი, სამეგრელო, რაჭა, ქართლ-იმერეთი, კახეთი, ჰერეთი და სამცხე. გურია როგორც გვიან გაშენებული (მეოთხე საუკუნის შემდეგ) აქ არ შედის.) ეს შვიდი თემი თანდათან გახდა შვიდ დამოუკიდებელ ერთეულათ, შვიდ სამეფოთ, რომელნიც შემდეგ გააერთიანა დავით აღმაშენებელმა და მისმა მემკვიდრეებმა. ამიტომ თამარის ისტორიკოსი ყველა სახელმწიფო აქტს ასწერს შვიდი სამეფოს სახელით. გიორგი მეფე ეთათბირება თამარის გამეფების შესახებ «შვიდთავე სამეფოთა თვისთამან», თამარის გასამეფებლათ «შემოკრბეს შვიდთავე სამეფოთა მთავარნი და დიდებულნი». «დალოცეს და ადიდეს სპათა შვიდთავე სამეფოთა», «მოეცვა შვიდივე ესე სამეფო შეჭირვებასა ამას საქმისასა»—ერთი სიტყვით თამარის გამეფების თუ ქორწინების საქმეში უეჭველათ «შვიდი სამეფო», (ე. ი. მთელი საქართველო) იღებს მონაწილეობას.

როგორც ხედავთ, პოეტმა ჩვენი ქვეყნის ისტორიული ამბები გაანაწილა არაბეთს და ინდოეთს შორის. ზოგი იქ მოათავსა, ზოგი აქ. ასევე მოიმოქმედა თამარის შესახებ; მისი

პირადი თვისებები და შემთხვევები გაანაწილა თინათინის და ნესტანდარეჯანს შორის; თუ მისი გამეფების ამბავი თინათინის სახით გამოხატა, სამაგიეროთ თამარის დრამატული ბრძოლა ოჯახობის და ცოლ-ქმრობის ნიადაგზე ნესტანდარეჯანის ამბავში განასახიერა.

ნესტანდარეჯანის ტრაგედია იწყება იქიდან, რომ მას მის დაუკითხავათ და ნება დაურთველათ მოგვარეს უცნობი უცხო საქმრო და სურდათ მისთვის მითხოვება. აქედან დიდი შუღლი და არევ-დარევა ინდოთა სახელმწიფოსი.

თამარის მთელი საოჯახო ტრაგედია იწყება იმით, რომ მის დაუკითხავათ და ნებადაურთველათ მოგვარეს უცხო საქმრო, გიორგი ბოგოლიუბსკი, და მასზე ჯვარი დასწერეს. აქედან დიდი შინაგანი განხეთქილება და არევა, რასაც კინალამ გადაყვა სახელმწიფო. ეს ისტორია ცნობილია.

ორივე ამ ფაქტს ერთნაირათ უარყოფით უყურებს ორივე მწერალი, პოეტიც და ისტორიკოსიც. პირველი იცავს ნესტანდარეჯანს და მის უფლებას, ხოლო მეორე თამარს და მის ქალურ უფლებას. აი როგორ ასწერს ისტორიკოსი ამ ეპიზოდს: გიორგი რუსის მოსაყვანათ გაგზავნეს თფილისის ვაჟართა მეთაური, მაგრამ «ესე ვერ განიზრახეს კეთილათ, რამეთუ არცა იგი კაცი ღირსი საქმისა წარავლინეს, და არც რომელსა მოიყვანდეს მისსა მეცნიერ იყენეს... შინაგანსა მისა არა რას მეცნიერ იყვნეს, არც ჩვეულებასა მისსა». მიუხედავათ ამისა დიდებულნი ითხოვენ თამარისაგან მასზე დაქორწინებას. თამარი უარზეა და თავის უარს ასე ასაბუთებს: «კაცნო, ვითარ ღირს შეუტყობლად ესე ვითარისა საქმისა ქმნად; არა ვიცით კაცისა ამისთვის უცხოთა, არც ქცევა, არცა საქმე, არც ბუნებისა და ჩვეულებისა, არცა მხედრობისა და სიკვლევისა. მაცადეთ ვიდრემდის განიცადოთ ყოველთა სიკეთე

გინა სიდრკე მისი.» ეს საბუთი არ შეიწყნარეს და ის «ფრიად აიძულეს და განამზადეს ქორწილი» (გვ. 285).

აქედან აშკარაა ის ბრძოლა, რომელიც თამარის გათხოვების ირგვლივ წარმოებულა. თამარის საბუთები ისეთი ახალი ამბავი იყო მაშინდელი საზოგადოებისათვის, რომ უქვევლია ის ასე ადვილათ ვერ გაიმარჯვებდა. ის ითხოვს საკმროს გაცნობას, შესწავლას, მოწონებას თუ დაწუნებას, ერთი სიტყვით თავის გულისთქმით ამორჩევას. ეს არის თეორია სიყვარულით ქორწინებისა, რაც სავსებით ეწინააღმდეგებოდა მიღებულ ადათ-ჩვეულებას. ქალის და ვაჟის დაქორწინება სავსებით ჭირისუფლის უფლებას შეადგენდა და არც არავინ ეკითხებოდა არა თუ ქალს, არამედ არც ვაჟს. თამარმა ბოლოს მაინც თავისი გაიტანა, ქმარი გააძევა, მის მომხრეთა მიერ გამოცხადებული ომი მოიგო და შეირთო სიყარმიდან თან შეზდილი დავით სოსლანი.

ამ უდიდეს დრამატიულ რომანიულ ამბავს არ შეეძლო არ მოეხდინა გადამწყვეტი შთაბეჭდილება პოეტზე და მას თამარის ქების მთავარ მომენტათ აი ეს ეპიზოდი არ გამოეტანა. ის უქვევლია ეკუთვნოდა ისტორიკოსთან ერთად თამარის მოსარჩლეთა გუნდს და ხელს უწყობდა მის გამარჯვებას. აქ მისთვის საკმარისი იყო სინამდვილის პოეტურათ აწერა. რომ მშვენიერი რომანი შეეთხზა. უკეთესი ფაბულის გამოგონება არავითარ ფანტაზიას არ შეეძლო.

ჩვენ აქ არ შევეუდგებით წვრიმალ ისტორიულ ფაქტებს, რომელთა აწერა ნათლათ სჩანს პოემაში. შეადარეთ მაგ. შამქორის ომი ტარიელის ხატავეთის ომთან და დაინახავთ ერთიგვეობას სტრატეგიულ დაწყობილობის, ომის პროცესის, გამარჯვების, ქალაქთა უსისხლოთ აღების, ნადავლთა მოგროვების; სურათი საერთო ხასიათისა სინამდვილეში და პოეზიაში. ასეთი მაგალითები ბევრი მოიძებნება. ჩვენთვის

საკმარისია დასახელებული ამბები, რომ გადაჭრით ვთქვათ: პოემის ფაბულა, მთავარ ამბავთა კონა, ამოღებულია საქართველოს სინამდვილიდან—ეს ქართული ამბავია და მას არავითარი კავშირი არ აქვს არაბეთ-ინდოეთის სინამდვილესთან. ამ ფაბულის მთავარი ლერძია რომანიული მხარე, ქალ-ვაჟის დამოკიდებულება, სიყვარულის ისტორია. პოემა არის აპოთეოზი, უაღრესი განვითარება თამარ მეფის აზრებისა ცოლ-ქმრობაზე. პოეტმა შესძლო ამ დებულებებისათვის სისხლი და ხორცი შეესხა და ის საუცხოველ ფორმით სამარადისოდ გაეხადა.

4. ო ლ ი ა ნ ი.

«ვეფხისტყაოსანი» არის გალექსილი რომანი. რატომ ავტორმა მიიღო ეს ფორმა. რატომ ლექსი არჩია პროზას? ამის ახსნას ჩვენ ვპოულობთ წინასიტყვაობაში. აქ წამოყენებულია თეორიული დებულებანი პოეზიაზე და სიყვარულზე. რომელთა განხორციელება ხდება პოემაში. პოეტს უყვარს წინდაწინ აგვიხსნას ის, რაც შემდეგ უნდა გააკეთოს. ის არ არის «შეუგნებელი შთაგონების» მატარებელი: მასში გონება სჯარბობს შთაგონებას და ამიტომ არ ტოვებს არც ერთ ბნელ კუთხეს აუხსნელათ. პოემა დასაბუთებაა მისი წინასიტყვაობის.

რუსთველი შეუდგა «ამბის» ლექსათ გარდაქმნას და პირველ ყოვლისა საჭიროთ დაინახა აეხსნა ლექსის მნიშვნელობა. მისი აზრით ლექსი არის «მარგალიტი წყობილი», ე. ი. შერჩეული სიტყვების შერჩეულათ დაწყობა ისეთი თანდათანობით და რაოდენობით, რომ დაემსგავსოს ძაფზე აცმულ მარგალიტებს. ამ მიზნის მისაღწევათ საჭიროა შაირობის კარგათ გაგება, მისი ბუნების ცოდნა. ის «სიბრძნისაა, ერთი დარგი». ე. ი. ის სიბრძნია, მარა არა ყოველნაირი, არამედ «საღმრთო საღმრთოთ გასაგანი». ის ციურია, ზეგარდამოა, ზეცას ამყვანი. აღმამფრენია. შაირობა უმთავრესათ მუსიკალური ნაწარმოებია, ის მუსიკაა; ამიტომ ავტორი მუდამ ლაპარაკობს არა მის მკითხველზე. არამედ მსმენელზე; ლექსი სმენას ატკბობს, ის არის «მსმენელთათვის დიდი მარგი». ვინცა «ისმენს კაცი ვარგი», ის «საუბართა ტკბილთა ფრქვევია». სიბრძნის ამ დარგის ნიშნობლივი თვისებაა სიმოკლე, ლაკონიზმი, «გრძელი სიტყვა მოკლეთ ითქმის შაირია ამით კარგი». ასეთნაირად

დაწყობილი სიტყვები არის იმავე დროს მუსიკალური; ნამდვილი პოეტია ის, «ვისიც ენა მუსიკობდეს».

ამგვარათ. რუსთველისათვის ლექსი ნიშნავს აზრს ბრძნულს, ფრაზას ლაკონიურს, სიტყვებს ნოტებივით დაწყობილს. როგორ განასოროციელა მან ეს დებულებანი? დიდებულათ. უკეთესი, უსიამოვნესი ჯერ ქართველს არ ამოხდენია პირიდან. ეს იმდენათ უდაოა. იმდენათ საყოველთაოთ მიღებულია, რომ ის გრძელ ახსნას არ საჭიროებს.

პოეტის ტეხნიკა უბრალოა: თითქმის ყველა მისი წინადადება მთავარი წინადადებაა, შემდგარი სამი-ოთხი სიტყვისაგან; მათ შორის კავშირია არა სიტყვიერი, არამედ ლოლიკური, პსიხოლოგიური; ის სრულიად არ ხმარობს კავშირათ სიტყვებს «რომელი», «რომ» და სხ. ძალიან იშვიათად «და»-ს; აბულაძის მიერ ყველა მეოთხე სტრიქონის დაწყება «და»-თი არ არის რუსთველური. ის აგრეთვე იშვიათათ ხმარობს ნაცვალ-სახელებს, ამ ცნებას ის თვით ზმნის ბრუნვაში ხატავს: ის არ იტყვის მან გასცა, არამედ გასცა. პოეტს უყვარს ერთი და იმავე აზრის სხვადასხვა სიტყვით გამოხატვა, ამით მისი გაძლიერება. «გასცა უზომო, უანგარიშო, ულევნი», შინაარსით ერთი და იგივეა. განსხვავება ხარისხშია. ამ ტეხნიკას ერთვის პოეტის უაღრესათ ხალხურობა, ხალხური მუსიკალური პანგების, ხალხის სულში ჩაქსოვილი ნოტების ზედმიწევნით ცოდნა და მათი ხალხის გულიდან ამოლაგება. ქართველი ხალხი თავის სიხარულს და მწუხარებას რუსთველურათ გამოსტყვამს; მხოლოდ რუსთველი მისწვდა ერის სულიერ სიღრმეს, საიდანაც მან მარგალიტები ამოალაგა. ხრეში კი იქ დატოვა. ყველა მისი ნოტები პარმონიულათ მღერის, არ ისმის არც ერთი ყალბი პანგი. რუსთველს ბაძავდენ საუკუნოების განმავლობაში. ყველა ქართველი პოეტი მეცხრამეტე საუკუნემდე სწერდა რუსთველურათ. არის ჩინებული მიბაძვანი.

მარა მაშინვე მიხედებით მათ ყალბ რუსთველობას. ჩონჩხი რუსთველური, სული კი არარუსთველური, მარგალიტი იშვიათია, ხრეში კი უთვალავია.

რუსთველმა პირველათ იწყო ამ სტილით წერა. მან სავსებით ზურგი შეაქცია გამეფებულ ფორმას პოეზიისას და შექმნა საკუთარი, ძირბუდიანათ განსხვავებული არსებულისაგან. საკმარისია შეადაროთ ის მაშინდელ საუკეთესო პოეტებს— ჩანოუხაძეს და შავთელს, რომ მკაფიოთ გამოჩნდეს მათ შორის ღრმა განსხვავება.

აი ორი ნაწყვეტი:

შავთელი იწყებს:

«სამებით ღმერთმან, არსებით ერთმან. მომცეს მე სწავლა
 თქვენდა შემკობად:
 «გიძღვენ ქებანი, მწადს აქ ებანი, დავითის დავით, ვსჯდე
 მუსიკობად»...

რუსთველი:

«იყო არაბეთს როსტევეან, მეფე ღმრთისაგან სვიანი,
 მაღალი. უხვი, მდაბალი. ლაშქარ მრავალი, ყმიანი»...

განსხვავება აშკარაა: ერთია მძიმე, გამოგონილი; წიგნებისაგან შეთხზული. მეორეა მსუბუქი, ბუნებრივი, ხალხის გულისაგან ამოღებული.

ერთი და იგივე აზრი ორივე პოეტს ენის მხრით სავსებით სხვადასხვანაირათ აქვთ გამოთქმული. მაგალითათ შავთელი სწერს:

«ესა მართალი, ესამართალი. ხეს შეიქმს ხმელსა
 წყალმომდინარეთ».

რუსთველი:

«ქმნა მართლისა სამართლისა, ხესა შეიქმს ხმელსა ნედლათ». უკეთესი გამოთქმა შეუძლებელია.
 ერთი სიტყვით. რუსთველის შეხედულებანი პოეზიაზე

სავსებით გატარებული, ხორცშესხმული და დამტკიცებულა მის მიერვე პოემაში. ის ქართული პოეზიის უდიდესი ქურუმია.

ახლა ადვილი გასაგებია რატომ თავისი რომანი დასწერა ლექსათ. მისცა მას პოეზიის უმაღლესი ფორმა, გახადა ის «საუბართა ტკბილთა ფრქვევათ». ამას მოითხოვდა უალრესი პატივისცემა იმ პირისადმი, რომელსაც ის უგალობდა. თამარის საოცარი თავგადასავალი იწვევდა პოეტში უმაღლეს შემოქმედებას და აღფრთოვანებას. ამაზე უკეთეს. უკეთილშობილეს და უწმინდეს ბრძოლას სიყვარულის ნიადაგზე რუსთაველი ვერავითარი ისტორიიდან, ვერავითარი სხვა წყაროდან ვერ მიიღებდა. მას ვერ შეედრება ვერც ვისის და რამინის, ვერც პარისის და ელენეს ამბავი. რუსთაველის რომანი ეს ახალი თავია მეთორმეტე საუკუნის მსოფლიო ლიტერატურაში.

პირველ ყოვლისა პოეტი, თავის ჩვეულებისამებრ გვამცნევს თავის თეორიულ აზრებს სიყვარულზე, აყენებს მთელ რიგ დებულებას, რომელთა განხორციელება ხდება პოემაში. ამ დებულებათა გასაგებათ საქიროა ვიცოდეთ რა მიმდინარეობანი არსებობდენ ამ სფეროში იმ დროს და მის წინ აღმოსავლეთში და დასავლეთში.

საყოველთაოთ ცნობილია, რომ ძველმა ქვეყანამ ათინამ, რომმა, და აღმოსავლეთმა, არ იცოდა ცოლქმრობის სიყვარულზე აგება. დაქორწინების მოტივი იყო არა ქალვაციის სიყვარული, არამედ სრულიად სხვა, სიყვარულზე დამოუკიდებელი მოსაზრებანი: გარეგანი სილამაზე, ჩამომავლობა, მზითვი, სახელმწიფო ინტერესები და სხ. ქალს გაათხოვდენ. ვაქს ცოლს მიგვრიდენ. ეს ანტიური წესი სავსებით შეითვისა საქრისტიანო ქვეყანამ. ღლესაც სამი მეოთხედი ქორწინებისა ამ წესით ხდება. თამარის გათხოვება მისი სურვილის

წინააღმდეგ სავსებით შეეფერებოდა ამ ადათს და მის წინააღმდეგ ამხედრებული ქართველობა და გიორგი რუსისათვის მხარის დაჭერა სწორეთ ამ წმიდათა წმიდის შელახვით იყო გამოწვეული. ჯერ სიყვარული და შემდეგ ქორწინება—სრულიად ახალი ამბავია. წინეთ კი იყო პირიქით, ჯერ ქორწინება და მერე სიყვარული.

მაგრამ ვინაიდან ადამიანის ბუნება ვერ ეტევა ამ ვიწრო ჩარჩოში ხდება მისი გადალახვა, მისი შევსება არა-ლეგალური, აკრძალული სიყვარულით. აი ეს სფერო იძლეოდა რომანის საგანს; ძველათ რომანები ასეთ სიყვარულზე იწერებოდა. თითქმის ერთ და იმავე დროს დასავლეთში და აღმოსავლეთში დაიწერა ორი რომანი არსებითად ერთი და იგივე რომანტიული შინაარსის. სპარსელთა «ვისირამიანი» და ბრეტონელთა «ტრისტან და იზოლდა» სავსებით არალეგალურ სიყვარულზეა აგებული; ტრისტანს უყვარს იზოლდა, მარა მათი შეუღლება ფიქრათაც არ მოსვლიათ. ქალი თხოვდება სულ სხვა პირზე, ხოლო საყვარლათ კი ტრისტანს უდგება. ვისი თხოვდება მეფე მოაბადზე, ხოლო საყვარლათ კი რამინს იყენებს. მას ასეთ რჩევას აძლევს გამდელი: ყველა დიდი კაცის ცოლს საყვარელი ყავს და შენც რომ გყავდეს რა გიჭირსო! ორივე ამ რომანში აწერილია ორ არსებას შორის სქესობრივი, ფიზიკური კავშირი, ხორციელი სიყვარული, ხოლო ქმარი შირმაა მის დასამალავათ.

აი ამ ვულგარულმა მიჯნურობამ გამოიწვია მეორე უკიდურესობა—სულიერი, მორალური ანუ, როგორც ეძახიან, პლატონიური სიყვარული. ამ გრძნობის მატარებლები იყვნენ რაინდები, და საშუალო საუკუნოების ტრუბადურები. ამათ ძველი ადათები ხელუხლებლათ დატოვეს, ოჯახი ისევ ძველებურათ დგებოდა, მაგრამ მას ავსებდენ სულიერი კავშირით. ქალის კულტით, თავის ოჯახის გარეშე. ამ ჩვეუ-

ლებას მორჩილებდენ მოწინავე მოღვაწენიც. უდიდესი პოეტებიც. მაგ. დანტეს უყვარდა ბეატრიჩე. მაგრამ შეირთო სულ სხვა პირი. მისთვის წინადადებაც კი არ მიუცია: ის კმაყოფილდება ბეატრიჩეს შორიდან სიყვარულით. ასევე პეტრაჩკი. ამბობენ თავის საყვარელი ლაურა მხოლოდ ერთხელ ნახა ეკლესიაში და ეს საკმარისი იყო მუდამ ის ყვარებოდა. ქალის უდიდესი პატივისცემა. მის წინაშე მოწიწებით მუხლის მოყრა, მისგან ქების და ჯილდოს მიღება, მისი დაცვა და მისთვის თავის დადება—აი რაში იხატებოდა პლატონიური სიყვარული.

ამ ორგვარი სიყვარულის სინტეზი იწყება მეთექვსმეტე საუკუნიდან, იწერება რომეო და ეულიეტა, იბადება თანამედროვე რომანი.

რა პოზიცია დაიჭირა რუსთველმა ამ მიმდინარეობათა შორის?

ფიზიკურ, არა-ლეგალურ კავშირს ის სავსებით გმობს, მას უწოდებს «სიძვას» ანუ მრუშობას, «მიჯნურობა სხვა რამეა. არ სიძვისა დასადარი, იგი სხვაა. სიძვა სხვაა, შუა უზის დიდი ზღვარი». მას «სძულს ხვევნა. კოცნა. მლაშა-მტლუში». ეს არის «ხელობანი ქვენანი». ამით მან დაგმო ყველა იმ დროის რომანები, მთელი ეს ვისრამიანული ლიტერატურა. ამ მიმართულებას ის უპირდაპირებს თავის გაგებას სიყვარულის, რასაც ის არაბული სიტყვით—მიჯნურობით ხატავს. «ის არის საქმე საზეო, მომცემი აღმაფრენათა», ის არ შეედრება მრუშობას, აქ პოეტი კიდევაც წყრება, მათ «ნურვინ გარეყთ ერთმანერთსა, გესმათ ჩემი ნაუბარი!» მიჯნურს მართებს «სიბრძნე, სიმდაბლე, სიუხვე, სიყმე და მოცალეობა, ენა, გონება, დათმობა, მძლეთა მებრძოლთა მძლეობა».

მთელი ეს დანახიათება სავსებით უდგება რაინდულ სიყვარულს. კიდევ მეტი, აქ ხაზგასმულია იმ გრძნობის ნიჟნო-

ბლივი თვისება, მისი საიდუმლოება, «შორით ბნედა, შორით» კდომა, შორით დაგვა. შორით ალვა». პლატონიური სიყვარული სამაგიეროს არ ითხოვდა, შეიძლება ქალს არც კი სკადნადა რომ ის ვინმეს უყვარს. აი ამ სიტყვებზე ემყარებიან მარი. ჯავახიშვილი და სხვები. როცა ამბობენ, რუსთაველი პლატონიურ სიყვარულს უკალობსო. მართალია ეს დასკვნა? არა და აი რატომ.

პოეტი სიყვარულის პრაქტეს ჰყოფს პერიოდებათ; ის ამბობს: «არს პირველი მიჯნურობა არ დაჩენა ჰირთა მალვა». ე. ი. პირველ პერიოდში სიყვარული რაინდულია, საიდუმლოა, არავინ იცის. არის ეს დახასიათება სწორი? აიღეთ თანამედროვე ლიტერატურა ამ საგანზე. გადაშალეთ რომელიმე ენციკლოპედია და ნახავთ პირველი სიყვარულის რუსთველოურათ დახასიათებას. აი მაგ. ლარუსის ენციკლოპედიაში როგორ არის განმარტებული სიყვარული: «პლატონიური სიყვარული არის პირველი პერიოდი სიყვარულისა». შემდეგ პერიოდში კი საიდუმლო ცხადდება, პლატონიური სიყვარული რომანათ ზდება. რაიცა თავდება ან გამარჯვებით, ან ტრაგედიით. აი ამ უკანასკნელ პერიოდზე რუსთველი თავის წინასიტყვაობაში დუმს, ის აღარ აგრძელებს «პირველ მიჯნურობას» მეორე მიჯნურობით, თუმცა შემდეგ კიდევ მოდის ოთხი ტაეპი, სადაც პოლემიკური ტონია აღებული. რაშია საქმე? შეიძლება რუსთველი სიტყვას «პირველი» არ ხმარობს თანამედროვე მნიშვნელობით, რომლის შემდეგ უქვევლათ მეორე. ანუ გაგრძელება მოსდევს? ეს ჰიპოტეზა სიმართლეს მოჰყოლებულია. ვინაიდან პოეტი ამ სიტყვას სხვაგანაც ხმარობს და სწორედ ახლანდელი მნიშვნელობით. აი მაგ. როგორ სწერს მეორე ალაგას: «დიდათ ვიამე, ზეფეო, პირველ ნახვითა თქვენითა. მერმე აგვავესენ მრავლითა ტურფა ფერითა ძღვენითა» (1279). ე. ი. ტარიელი ნასიამოვნებია პირ-

ველათ მეუის ნახვით, მეორეთ, ტურთა ძღვენით... თინათინი ასე მიმართავს ავთანდილს: «პირველ ყმა ხარ, ხორციელი არვინა გყავს შენად სწორად, მერმე ჩემი მიჯნური ხარ. დასტურია, არ ნაქორად» (85). აქაც პირველს მეორე მოსდევს და ასე ყოველგან. მაშ რატომ წინასიტყვაობაში უკუღმა მოხდა? რუსთველს მძლავრი ლოლიკა აქვს. ხაზი ნათელი და მკაცრი აქვს აღებული, გულმაფიწყობა დაუშვებელია. ის წერილმანებსაც არ ტოვებს აუხსნელათ. ერთადერთი მისაღები ჰიპოტეზა ისაა, რომ შემდეგი ტაეპები ყალბია: რუსთველის აზრი «მეორე სიყვარულზე», ე. ი. მის გამომქლავებზე, რომანზე, იმდენათ უჩვეულო, აღსაშფოთებელი იყო, რომ ის ხელათ შესცვალეს სულ საწინააღმდეგო აზრებით. ეს რომ ასეა სხანს შემდეგი ტაეპიდან (XXIX—XXXI). ეს იწყება ამნაირად:

«მას უშმაგო ვინ მიენდოს, ვინ მოყვარე გაამქლავნოს,

ამის მეტი რომცა ირგო, მას ავნოს და თვითცა ივნოს»...

ერთი სიტყვით გამართულია ბრძოლა სიყვარულის გამქლავების წინააღმდეგ; ამ ტაეპის ავტორი იცავს მაშასადამე პლატონიურ სიყვარულს ბოლომდე. ვის ეკამათება? რუსთველს? პოეტიც ხომ ამას ამბობს «პირველ სიყვარულზე»; ცხადია კამათობს არა ამ ტაეპის წინააღმდეგ. არამედ იმ ტაეპის, სადაც გამქლავებულ სიყვარულზეა ლაპარაკი და რამაც ჩვენამდე არ მოაღწია.

ბ. ინგოროყვაც¹⁾ ამ ტაეპებს აღიარებს ყალბათ, მაგრამ სრულიად სხვა მოტივებით. მისი აზრით ყალბის მქნელი გმობს რუსთველს. რომელმაც სიყვარული გამოაცხადა თამარისადმიო. ნამდვილათ კი ეს სრულიად დასაგმობი ამბავი არ ყოფილა იმ დროს. «ქართლის ცხოვ.» სიტყვით. თამარში მრავალნი იყვნენ შეყვარებულნი. ერთი ოსის ბატონიჰვილი

¹⁾ რუსთაველიანა ტ. I.

კიდევაც გაგიეებულა სიყვარულით და მომკვდარა ნიქოზში. «რამდენი ხელმწიფეთა ძენი ამისთვის (თამარისათვის) გაქრით გამიჯნურებულნი და ხელქმნილნი ველარა სთმობდეს სურვილსა მისსა», სწერს ისტორიკოსი (გვ. 288). საზოგადოთ რაინდული სიყვარული არათუ ვინმეს შეურაცხყოფელი იყო, ის პირიქით მიღებული იყო მეფეთა სასახლეში და შედიოდა რაინდთა ორდენში, როგორც მისი მიუცილებელი ნაწილი (ქალის კულტი).

აშკარაა, ყალბი ტაეპები გამოწვეულია არა ამ მიზეზით, არამედ იმით რომ რუსთველის მიერ სიყვარულის ახალი თეორიის წამოყენება, მეორე პერიოდზე გადასვლა არ მოეწონათ პლატონისტებს და მას გაუმართეს პოლემიკა. ამას მიუმატეთ ძველი აღთქმის ხალხი, თამარის მოქმედების მოწინააღმდეგენი, რომელთაც ხმალიც კი იშიშვლეს კანონიერი ქმარის (გიორგის) დასაცავათ. რუსთველის თეორია კი აშკარა გამართლება იყო თამარის და ამას ისინი როგორ გაუშვებდენ უპასუხოთ. და იშვა ულაზათო, ულოლიკო და ხეპრულა ტაეპი რუსთველის «მარგალიტების» ალაგას.

როგორც ვთქვი. მთელი წინასიტყვაობა წარმოადგენს პოეტის გეგმას, რომელიც შემდეგ პოემაში სისრულეში მოყავს. აქ ნაჩვენებია პოემის ყველა მთავარი ხაზი. ამ ჩვეულებას ის ვერ უღალატებდა მთავარ საკითხში—სიყვარულის ახსნა-განმარტებაში. მას არ შეეძლო არ ეთქვა, ის, რაც პოემაში მოგვცა, ხოლო აქ მოგვცა დიდებული ბრძოლა არა პლატონიური. არამედ ნამდვილი რომანიული სიყვარულისათვის. ეს იყო მთელი რევოლიუცია ლიტერატურაში და მისი საზოგადოებისათვის შეპარება მოითხოვდა სქელდობლანდს, ფართო ფანტასტიურ ფორმას, რომ შიგ ქართველები ვერ დაენახათ. პოემაში მართლაც ეს მან შესძლო, ვის რა ენაღვლებოდა არაბები და ინდოელების სიყვარული. მა-

გრამ იქ. სადაც კი უცხოელებზე ლაპარაკი არ იყო, სადაც თეორია იყო გატარებული, რომლითაც ქართველებსაც შეეძლოთ ეხელმძღვანელათ, და ეს მოხდა წინასიტყვაობაში. იქ კი მაშინვე მოსპეს ეს თეორია და მის ალაგას წამოასკუპეს სრულიად მოპირდაპირე აზრები.

ახლა გავშინჯოთ როგორ ახორციელებს ავტორი სიყვარულს სინამდვილეში, პოემაში. აქ მიჯნურობა წარმოდგენილია ორ სხვადასხვა ქვეყანაში: არაბეთში—თინათინ-ავთანდილისა, ინდოეთში—ტარიელ-ნესტანდარეჯანისა. ამით წინ გვეშლება სიყვარულის ორი ფორმით გამოხატულება: ნორმალური, უდავიდარაბოთ და უდრამოთ ჩატარებული და არა-ნორმალური, ბრძოლით და სისხლით მოკირწყლული. მიჯნურნი ცხოვრობენ სხვადასხვა საზოგადოებაში: ერთია უფრო ლიბერალური. პროგრესიული, მეორე კი ძველი ადათების მიმდევარი. ქალის ბორკილებში ჩაქერის მოტრფილენი. არაბი როსტევან და ინდოელი ფარსადან სრულიად სხვადასხვანაირად შეხედენ მათი ქალიშვილების სიყვარულს. პირველის ვეზირები ეუბნებიან მეფეს: «ლექვი ლომისა სწორია. ძუ იყოს თუნდა ხვადია», ქალის და კაცის გათანასწორება აშკარაა. ამიტომ მათგან მოსალოდნელი იყო თინათინის და ავთანდილის გრძნობათა პატივისცემა. და მართლაც, როგორც კი გაიგო მეფემ ტარიელისაგან ქალ-ვაჟთა სიყვარული მაშინვე კვერი დაჰკრა, ის უპასუხებს: «მე სიძესა ავთანდილის უკეთესსა ვპოებ ვერა» (1360). და ეს იმიტომ რომ მას სიყვარულზე საღი წარმოდგენა აქვს. ის ამბობს: «ბრძენსა უთქვამს სიყვარული. ბოლოდ მისი არ წახდომა» (1376). ე. ი. სიყვარულზე აგებული ურთიერთობა ბოლომდე მაგრათ დარჩებაო. ამ საერთო წესს ის ავრცელებს მის ქალიშვილზედაც, რომელიც იმავე დროს მეფეა და თავისი ქვეშევრდომი შეყვარებია. გამოდის რომ სიყვარულის წინაშე ყველა სხვა

მ.ისახრება ქედს იხრის და ემარჩილება. ეს ძირბუდიანათ გადაბრუნებაა მთელი ანტიური და საშუალო საუკუნური წარმოდგენისა სიყვარულზე.

სამაგიეროთ ამ წარმოდგენას არ შორდება მეორე საზოგადოება. ინდოელთა მეფე და მისი ამალა. როგორც კი ფარსადან ნესტანდარეჯანის და ტარიელის დამოკიდებულებას გებულობს, ამბობს: «მათ ბოზ-კუროთა ასეთი რა მისცეს, რა უქადესა»; სიყვარული მისთვის გარყვნილებაა, ამას ის აწერს ქალიშვილის გლახათ აღზრდას. ის მოიძულებს აღმზრდელს, თავის დას დავარს, რომელსაც სიყვდილით ემუქრება: «აწ თავმან ჩემმან მას მოვკლავ, ჩემად დად ვინცა მადესა, მე ღვთისა უთზარ, დაუბამს მას ეშმაკისა ბადესა» (484). ე. ი. სიყვარულის სათავეა ეშმაკი და არა ღმერთი. ამ აზრისაა მისი დაც, რომელიც უწმაწური სიტყვებით ლანქლავს ნესტანდარეჯანს: «ბოზო, შენ ბოზო, რად მომკალ, ვექვ, შენცა არა გლხენოდეს», რის შემდეგ «დაალება, დაალურჯა» და ბოლოს კიდევაც გადაჰკარგა (486-488).

ამ ორი მოწინააღმდეგე საზოგადოების ასე მკაფიოთ დახატვით რუსთაველი, რასაკვირველია, გვიხატავს ქართველთა იმ ორ ბანაკს, რომელნიც ერთმანეთს ხმლით დაერივნენ თამარის ოჯახური მდგომარეობის ნიადაგზე. მისი იდეალია თინათინის საზოგადოება; თინათინობამდე მიაღწია თამარ მეფემ, მაგრამ მიაღწია ნესტანდარეჯანის გზით, ბრძოლით, გაბატონებულ ზნე-ჩვეულებათა გადალახვით.

ახლა ვიკითხოთ, ვინ არის ამ ბრძოლის მთავარი მატარებელი, ვის უქირავს ხელში აჯანყების დროში? კაცს, თუ ქალს? ამას ჩვენ გავიგებთ პოემის გმირთა შეფასებით.

პირველ ყოვლისა უნდა ვთქვათ, რომ რუსთაველის აზრი სიყვარულზე სავსებით ორიგინალურია. ჩვეულებრივით ამ გრძნობას ათავსებენ გულის სამეფოში. ის გულს იტაცებს.

რუსთველი კი მას აკუთნებს უმთავრესათ გონებას. მიაჩნია გონების მოვლენათ. ტარიელი ასე ასწერს პირველ შესვედრას ნესტანდარეჯანთან:

«ქალსა შევხედე. ლახვარი მეცა ცნობასა და გულსა» (266), ე. ი. სიყვარულის ძალა იპყრობს არა მარტო გულს. არამედ ცნობასაც. ის, ასე ვთქვათ. ინტელექტუალური მოვლენაა. ამავე აზრს იმეორებს ტარიელი, როცა მოსთქვამს: «პაი, საყვარელო ჩემო ჩემთვის დაკარგულო, იმედო და სიცოცხლეო, გონებაო, სულო, გულო» (234), აქაც გონება წინ უსწრებს სულსა და გულს. მაშასადამე. სიყვარული იპყრობს მთელ არსებას, ადამიანის ყველა ნიქს. ის აზიანებს პირველ ყოვლისა გონებას, ამიტომ ის არის «შმაგობა». «ხელობა». მაგრამ საკვირველია ის, რომ ეს გრძნობა კაცის გონებას უფრო იმორჩილებს. ვინემ ქალისას; პირველი უფრო დალახვრულია, ვინემ მეორე. აქედან წარმოსდგება მათი პოზიცია რომანში: ქალი უწინაშეღვრებს კაცს. ქალია მთავარი მებრძოლი. ნამდვილი გმირი, ინიციატორი.

საზოგადოთ, რუსთველი ქალს კაცზე მალა აყენებს ყველაფერში გარდა. რასაკვირველია, ფიზიკური სფეროსა. ყველა მისი ქალი კაცზე უფრო ჭკვიანია. უფრო მედგარია, ამტანია. აი მაგალითები. ტარიელის ნახვით დაღონებულ როსტევანს თინათინი ურჩევს: დააძებნიეთ ყოველგან და თუ ვერ ნახონ სჩანს ეშმაკი გვჩვენებიაო (73). მეფემ აასრულა ეს რჩევა და როცა აქედან არაფერი გამოვიდა, გაძხიარულდა. მართლა ეშმაკი მომჩვენებიაო. მაგრამ თვით თინათინი ამ ცრუმორწუნეობას არ იზიარებს, ის მან შამის დასამშვიდებლათ გამოიგონა, ხოლო თვითონ კი იბარებს ჩუმად ავთანდილს და ტარიელის მონახვას ანდობს. თინათინ მთელი თავით მალა დგას ბრძენ როსტევანზე. ავთანდილის და ასმათის პირველი შეხვედრა. მათი დავა თავდება პირველის და-

მარცხებით, ის ქალის ლოლიკის და მოსაზრების წანაშე ფარხმალს ყრის (176). ტარიელი მოქმედობს ყოველგან ნესტანდარეჯანის გეგმით და ჩვენებით. თვით ფატმანიცკი. რომლის სიყვარულის მაგალითით გვაჩვენა თუ რას ნიშნავს «სიძევა». მალაა დგას მის ქმარ უსენზე. პოეტი მას უწოდებს «დიაცს», რომელსაც სამალავი არ ეთქმის, მაგრამ უსენი კიდევ უფრო ყბედი და ფიცის გამტეხი გამოჩნდა, მან გაამხილა სასახლეში ფატმანის საიდუმლოება ნესტანდარეჯანის მის სახლში ყოუნაზე. მთელი პოემა ქალის აპოთეოზია.

რაკი ქალს ასეთი უპირატესობა ენიჭება, ინიციატივაც მას ეკუთვნის სიყვარულში. ის უმელანებს ამ გრძნობას ვაჟს: თინათინ ავთანდილს, ნესტანდარეჯანი ტარიელს. რა სახით? პლატონიურით? სრულიადაც არა, აქ ლაპარაკია არა სულიერ სიყვარულზე, არამედ ნამდვილზე, ცოლქმრობაზე. პლატონიური პერიოდი, «პირველ მიჯნურობა», როცა ორივე მხარე თავის გრძნობას გულში იმარხავდა, დასრულდა ერთმანეთის წინაშე გამქლევანებით. ეს პლატონიური პერიოდი აშკარათ ნაჩვენებია. ავთანდილს «გულსა მისსა მიჯნურობა მისი კქონდა დამალულათ» (10). მან ეს არ გაანდო თავის უაღლოეს მეგობარს, შერამდინსაც კი: ამიტომ ის ბოდისსაც კი უხდის მას: «ჰა შერმანდინ, ამად მე შენგან მრცხვენინან, ჩემნი საქმენი ყველანი გცოდნიან, გაგივლენიან, მაგრა არ იცი აქამდის, რანიცა ცრემლნი მდენიან»... (103). თინათინი რალაც ნაირათ გებულობს ავთანდილის ამ საიდუმლოებას, ის იწყებს გამქლევანებას ამ სიტყვებით: «შორით სიყვარული შენგან ჩემი შემიტყვია, ვიცი რომე განუწყვეტლათ თვალთათ ღაწვი გისეტყვია, შეუპყრიხარ სიყვარულსა, გული შენი დაუპყრია» (84). მაგრამ მაშინვე უხსნის მას სიყვარულის მიზანს: «ფიცით გითხრობ, შენგან კილო თუ შევირთო რაცა ქმარი» (88): მიზანია ცოლქმრობა. პლატონიზმი უარყოფი-

ლია. ამავე ხაზით მიმდინარეობს ნესტანდარეჯანის და ტარიელის რომანიც. ქალი პირველსავე წერილში აცნობს ტარიელს: «მე შენი ვარ, ნუ მოკვდები, მაგრამ ბნედა ცუდი მძულსა»... «შენგან ჩემისა ქმრობისა წინასა ც ვიყავ მდომია» (292. 294). აქაც სიყვარული ხდება სათუძვლად ცოლ-ქმრობისა, ოჯახისა და არა «სიძვისა», როგორც ეს მაშინდელ რომანებში იწერებოდა და არც პლატონიზმისა და ქალის კულტისა, რასაც რაინდები ეტრფოდნენ.

ეს არ ნიშნავს, რასაკვირველია, იმას რომ რუსთველი საესებით თავისუფალია რაინდული გაგებისაგან. მან ერთი, ყველაზე უფრო სალი და მოსაწონი თვისება პლატონიზმისა. მიიღო და კიდევაც გვაჩვენა. ნესტანდარეჯანი სიყვარულს რაინდულ მიზანს უსახავს. ის სწერს ტარიელს:

«ბედითი ბნედა, სიკვდილი, რა მიჯნურობა გგონია?

«სჯობს, საყვარელსა უჩვენე საქმენი საგმირონია»... (293)
და ისტუმრებს სატაელთა წინააღმდეგ საომრათ.

აგრეთვე თინათინ. ისტუმრებს რა ავთანდილს სამი წლის ვადით ტარიელის საქებრათ. ეუბნება:

«შენგან ჩემი სიყვარული ამით უფრო გააძეარე» (86).

აი ახირებული ფორმა სიყვარულისა! არც წინეთ. არც ახლა შეყვარებული ასეთ წინადადებას არ აძლევს თავის ტრფიალების საგანს. პირიქით, ქალი კაცს ეუბნება—ოლონდ მე გიყვარდე, ჩემთან იყო, თუნდაც ქვეყანა დაინგრესო: ის მას «საგმირო საქმეებისათვის» არ იმეტებს, ომიდან. თუ შესძლო, აბრუნებს, თავ-დადებას უკრძალავს, ერთი სიტყვით აგლახებს. რაინდობის ხანაში კი მიღებული იყო სიყვარულის დამტკიცება «საგმირო საქმეებით»: მაგრამ ვინაიდან თვით სიყვარული იყო სულიერი, პლატონიური, ამიტომ კაცის გაგზავნა ხიფათში ადვილი გადასაწყვეტი იყო ქალისათვის: ამით მისი ოჯახური და საზოგადოებრივი მდგომარეობა არა-

ვითარ ხიფათს არ განიცდიდა. საქმროს ასე გამეტება კი დიდი გმირობაა, მართლა თავის დადებაა და ამიტომ ასეთი ქალი იშვიათი მოვლენაა. ამგვარი ტიპები შეგხვდებით ტურგენევის და სენკევიჩის რომანებში, რევოლიუციურ ახალგაზდობაში, მაგრამ ეს გამონაკლისია. მაშასადამე რუსთველური სიყვარული არ არის ეგოისტური სიყვარული. პირადი გრძნობით და ცხოვრებით შემოფარგლული. აქ პირადი და საზოგადოებრივი მოტივები ერთდება, ერთი მთელი ხდება. სიყვარული მტკიცდება საქმით, მოღვაწეობით საზოგადოების სასარგებლოთ. რუსთველის ორივე გმირი იმარჯვებს. ტარიელი ამარცხებს ხატაველთ, ავთანდილი ეხმარება ტარიელს და ანგრევენ ქაჯეთის ციხეს.

არის ოთხნაირი სიყვარული: ფიზიკური, პლატონიური (რაინდული), ეგოისტური (ბურჟუაზიული) და ალტრუისტული. რუსთველისაა ეს უკანასკნელი. რუსთველური მიჯნურია მხოლოდ ის, ვინც საყვარლისაგან ითხოვს სხვისთვის თავის დადებას...

რაკი პოეტი ქალს კაცზე მალა აყენებს საზოგადოთ, ამიტომ პოემაში ქალი თამაშობს აქტიურ როლს, კაცი კი უფრო პასიურს. სიყვარულის ურთიერთისადმი გამომქლავნებით იწყება ნამდვილი რომანი ყველა თავისი თვისებებით—საიდუმლოებით. პაემანით, საარშიყო მიწერ-მოწერით და სხ. ქალი ინიციატორია. მარა ამავე დროს მეტათ მორცხვია; პირველი პაემანი ნესტანდარეჯანის და ტარიელისა თავდება უსიტყვათ, ვინაიდან ქალს «სირცხვილი აქვს საუბრისა»; მეორე პაემანი თავდება ფიცით ერთგულებაზე, ე. ი. კოლქმრობაზე. შეადარეთ მათი მიწერ-მოწერა ერთმანერთს და ნახავთ, რამდენათ ქალი გონიერია, დინჯია, ხოლო კაცი ატეხილია, აზრს მოკლებულია (296). მას არავითარი გეგმა თავში არ აქვს. მას ქალი უკარნახებს ასმათის პირით კავშირის სა-

შუალებებს (298). მაგრამ ჩქარა გამოჩნდა, რომ სიყვარულს ქალი უფრო სერიოზულათ უყურებს. ვინემ კაცი. ნესტანდარეჯანი მართლა მებრძოლია ახალი დროშის ქვეშ. ტარიელი კი შეპყრობილია ძველი ადათ-ჩვეულებებით. ქალის გათხოვება ჩვეულებისამებრ გადასწყვიტა დედ-მამამ თათბირზე. რასაც ტარიელიც დაესწრო და მიემოწმა. ის არც ცდილა მებრძოლებას, უბრალო რჩევაც კი არ მიუცია—ქალსაც შეეკითხეთო. ის იმდენათ დამორჩილებულია ტრადიციით, რომ მეჟის განაჩენი ბუნებრივათ მიაჩნია: შემდეგ ბურთაობაშიაც კი შედის. «მე მაშვრალი. ნაბურთალი. საწოლს შეველ მოსვენებათ» (427). მან არ იცის რა ქნას. ამ კრიტიკულ მომენტში ჩნდება ისევ ქალი და მას იბარებს. შეხვედრა დრამატიულია. ქალმა საქმროს ქცევა დააფასა სრულიად საღათ, ლალატათ და ორპირობათ:

«მიკვირს რად მოხველ მშლელი პირისა მტკიცისა,

გამწირავი და მუხთალი, შენ, გამტეხელი ფიცისა» (434).

კაცის გაკვირვებაზე ის უხსნის:

«შენ არ იცი ხვარაზმშასი საქმროდ ჩემად მოყვანება?

შენ ჯდომილხარ სავაზიროთ. შენი რთულა ამას ნება.

შენ გასტეხე ფიცი ჩემი, სიმტკიცე და იგი მცუნება,

ღმერთმან ქნას და დაგარჩინო ცუდად შენი ხელოვნება» (436).

ამის შემდეგ ის გვევლინება სახელმწიფო მოღვაწეთ, პრეტენზიას აცხადებს ტახტზე, ინდოეთის პატრონი მე ვარო (438). ამიტომ «ცოცხალ ვიყო, შენ ინდოეთს, ღმერთო, ხანი ვერა დაჰყო; თუ ეცადო დაყოფასა, ხორცთა შენთა სული გაჰყო!» (439); ეს აშქარა მუქარაა სამშობლოდან გაძევების, და თუ არ წავა, სიკვდილით დასჯის! ტარიელი თავს იმართლებს. დროებით მივემოწმეო. ბოლოს შერიგდებიან და აწყობენ მოქმედების გეგმას. აქაც ქალი პირველობს. ყველა წინადადებას ის იძლევა, თვითუღს არჩევს და ბოლოს ერთზე ჩერდება,

ტარიელი მხოლოდ მას ემოწმება. ნაჩვენებია სამი გამოსავალი: პირველი, სასიძო არ მოუშვათ; ეს მიუღებელია სახელმწიფო ინტერესებით, ვინაიდან, «ვა თუ მეფე გაგიმწარდეს, შენ და ისი წაიკიდნეთ, ინდოეთი გარდაქარდეს»; მეორე, «კვლავ თუ სიძე შემოუშვა, მე შემირთოს, იყოს ასდენ, ერთმანერთსა გავეყარნეთ»; ევკ მიუღებელია, ვინაიდან ეს გამოიწვევს ომს ორ სახელმწიფოთა შორის და «ჩვენ პატიუნი გაგვიასდენ». ეს თამარისებური გზა უარყოფილია. ტარიელი ფიქრობს, შემოუშვათ, მე შევებრძოლები და «ესრე დაეხოცნე, შეეძლოს აღარის არ-სახმარობა». ქალი ომის თანახმა არ არის: «დიდსა სისხლსა ვერ შეგაქნევ, ვერ ვიქნები შუა კედლად». მოკალი მარტო სიძე, მის ჯარს ხელს ნუ ახლებო. «რა მოვიდეს, სიძე მოჰკალ, მათთა სპათა აუწყვეტლად», ამის შემდეგ მამას გამოუცხადე, რომ ინდოეთი შენია, სოლო ქალი სადაც გინდა იქ გაათხოვეო. მაშინ თვით მეფე შემოგეხვეწება და ჩემს თავს მოგცემს ცოლათო. ტარიელს ეს მოეწონა, «ესე მეტად მომეწონა თათბირი და გამორჩევა» (450-456).

ამნაირათ, მთელი მოქმედების სადავე ხელთ უპყრია ნესტანდარეჯანს. გადაწყდა სასიძოს მოკვლა, მაგრამ როგორ? რაინდულად თუ ავაზაკურათ? ქალი ამის დირექტივას არ იძლევა: მისი გეგმის მიხედვით უნდა ვიფიქროთ, რომ მას სახეში ქონდა რაინდული სიკვდილი, ე. ი. დუელი; მხოლოდ ამ შემთხვევაში იყო შესაძლებელი სპა საქმეში არ ჩარეულიყო, და ყოველივე თათბირისამებრ დაბოლოებულყო. ყოველივე სხვანაირი სიკვდილი ქვეყანას არევედა, რასაც ასე უფრთხოდა ნესტანდარეჯანი.

სიძე მოვიდა, ტარიელი მხურვალე მონაწილეობას იღებს მის მიღებაში. უდგამს ატლასის კარვებს. ქალს კიდევ ეჭვი შესდის მასში და იბარებს: «რასა სდგი, დღე მიგიჩნს წინ საომარე, ანუ გაწწირე, მიტყუე და კვლავცა მოიმცდომარე?»

ტარიელს ეწეინა, უსიტყვოთ გამობრუნდა. «ქალი ომსა როგორ მაწვევს. აგრე ვითა დაეძაბუნდი!», ამბობს ის და უცებ კარგავს სულიერ წონასწორობას. მიდის და მძინარე სასიძოს ავახაკურათ კლავს! ამით ის სავსებით არღვევს მიღებულ რაინდულ წესებს. ხატაელებსაც კი აფრთხილებდა: «ხედა არ მოგეპარებით». აქ კი ერთ კაცს მიეპარა! აქვს მ.ს გასამართლებელი საბუთი? აქვს, თუ მივიღებთ სახეში ფსიხოლოგიურ მომენტს. როგორც ზემოთ ვთქვი, კაცი სავსებით დაპყრობილია ქალის მიერ, ის მართლა «ხელია», საკუთარი ნების ყოფა დაკარგული აქვს; ის თავიდანვე ყოყმანობს, მხოლოდ იმიტომ რომ საკმაოთ გაქლენთილია ძველი ადათებით; ის ფეხს ითრევს. ქალის სიყვარულს და მეფის სურვილს შორის იხლართება, გმირი სათრევი ხდება. რაკი მან გარკვეული დირექტივა ქალისაგან ვერ მიიღო და დარჩა თავის ამართ მიშვებული, დაიბნა, და «მოყმეთა» ეთიკას გადააბიჯა. ამით ნესტანდარეჯანის მთელი გეგმა დაირღვა და სახელმწიფო აირია.

ღრამის კვანძი ისკვნება და იხსნება ერთი და იმავე აქტით—ტერორით; ტარიელი კლავს ხვარაზმშას. ავთანდილი—ჩაჩნაგირს. თუ პირველი აქტი ბუნებრივია, ფსიხოლოგიურათ გამართლებელია, სამაგიეროთ მეორე სრულიად არაბუნებრივია და არც რაიმე საბუთია მის გასამართლებლათ. ავთანდილს არ უყვარს ფატმანი. რომ მან იმისი ბრძანება განუკითხავათ აასრულოს. მან არც ის იცის, თუ ამ ამბის შემდეგ რა ცნობას ზიილებს ფატმანისაგან, მაშასადამე არც ეს სტიმული არსებობს მისთვის. გამოდის რომ ქალს ისეთი ძალა აქვს კაცზე. იმდენათ იმონებს მას, რომ მის სურვილს განუსჯელათ ემორჩილება. ყოველ შემთხვევაში, ერთადერთი სუსტი ადგილი, ხელოვნურის თვალსაზრისით გაუმართლებელი მთელს პოემაში—აი ეს ეპიზოდია. აქ ეტყობა აჩქარება, კვანძის გახსნის არ დაყოვნება.

აქედან აშკარაა, რომ პოემის მთავარი გმირია არა ტარიელი, არამედ ნესტანდარეჯანი. ქალის ასე მალლა აწევა სავსებით შეეფერება ავტორის შეხედულებას, თუ სახეში მივიღებთ იმ მოდელს, საიდანაც ის პორტრეტს სწერდა და ვისაც აქებდა. თამარი უეჭველია ჩვენი ისტორიის გმირია, უმაღლესი მორალური პიროვნებაა (ამას ქვემოთ დავინახავთ) და მისი გონება და ზნეობა პოეტს არ შეეძლო არ გაენაწილებია ნესტანდარეჯანისათვის. დააკვირდით ამ ქალიშვილს, რა დიდ გასაქირშია: როგორ გადადის ხელიდან ხელში, როგორ ვარდება ერთი განსაცდელიდან მეორეში; მასთან შედარებით ტარიელი განცხრომაშია, მას ტანჯავს მხოლოდ საყვარლის უნახაობა. ეს მორალური მწუხარებაა, მაგრამ არავითარი საშიშროება არ მოელის მის მორალს, მის ერთგულებას საცოლოსადმი. პლატონიური ან ფიზიკური სიყვარულის თვალსაზრისით ნესტანდარეჯანს ჩინებული გამოსავალი ქონდა. მას უყვარს ტარიელი მხოლოდ სულიერათ, ან და ის თხოვდება, ხოლო საყვარლათ ტარიელს იყენებს, ვისის და იზოლდასავით. ორივე ეს კარი მისთვის დახშულია. მისი სიყვარული რომანიულია, ორ არსებათა მორალური კავშირია, რომლის გარღვევა შეუძლებელია. ამ სიყვარულის მთავარი ნიშანი ერთგულებაა. წაიკითხეთ მისი წერილი ქაჯეთის ციხიდან საყვარელთან მიწერილი. განა ოდესმე ვინმე ქალს დაუწერია უმშვენიერესი! რამდენი ქევა, სიბრძნე, გაბედულება, ერთგულება და სიყვარულია ამ პატარა ბარათში!

«შენმან მზემან უშენოსა არვის მიხვდეს მთვარე შენი,

«შენმან მზემან ვერვის მიხვდეს, მოცავიდენ სამნი მზენი,

«აქა თაგისა გადავიქცევ. ახლოს მახლავნ დიდი კლდენი».

აი თავდადებული ერთგულება! თავს მოიკლავს და ტარიელს კი არ უღალატებს.

«მე სიკვდილი აღარ მიმძიმს, შემოგვედრებ რადგან სულსა,

«მაგრა უენი სიყვარული ჩავიტანე ჩამრჩა გულსა».

მიუხედავად ასეთი უბედურობისა, ის ტარიელს თავის-კენ არ იბარებს, არ ემუდარება ცრემლებით, მოდი. და მიხსენიო, ის კვლავ ფიქრობს თვით ტარიელის სიცოცხლეზე და სამშობლოზე. ტარიელი ქაჯეთს ვერ დაამარცხებს, თვით გახდება ქაჯთა სხვერპლი. ამიტომ ქალი ეხვეწება, არ გაბედო აქეთ წამოსვლა:

«შენ კვდარსა გნახავ, დავიწვი, ვითა აბედი კვესითა,
მოგშორდი, დამთმე გულითა კლდისაცა უმაგრესითა.»

შემდეგ ურჩევს:

«წადი, ინდოეთს მიმართე, არგე რა ჩემსა მშობელსა,
მტერთაგან შეიწრებულსა ყოვლგნით ხელ-ალუპყრობელსა». მთელი წერილი მართლაც «მსმენელთა გულის გასაგმირალია» (1149-1164). რუსთაველმა შექსპირზე ოთხი საუკუნით ადრე მოგვცა რომეო და ჯულიეტა.

ეს ახალგაზდა ულამაზესი ქალიშვილი ამდენს სიფათში გაბმული თავის ბედს იტანს დიდის ენერგიით, მტკიცე ნების ყოფით. ვაჟკაცურათ. მას «თავი მუდამ თან ახლავს». მან არ იცის სულიერი წაბოროძიება, სასოწარკვეთილება. ის ამბობს:

«სიკვდილამდე ვის მოუკლავს, თავი კაცსა მეცნიერსა,
რა მისუირდეს მაშინ უნდა გონებანი გონიერსა» (1052).

ან და: «კარგი რამ მუირდეს გიკვირდეს, ავი რა საკვირველია,
სხვა და სხვა პირი ჩემხედა არ ახალია, ძველია (1036).

და ეს მისთვის ფრახა კი არ არის. ეს ცოცხალი სინამდვილეა. როგორ შეხვდა ის ისეთ საფრთხეს როგორიცაა უსენის მიერ მისი სასახლეში გამელაყნება და მეფისაგან მისი გამოთხოვა? მეტათ მამაცურათ.

«თვალთა ვითა მარგალიტი გადმოყარა ცრემლი ხშირი.

ადგა ასრე გულუშიშრად, ვეფხი იყო ანუ გმირი,

ლხინი ლხინად არა უჩნდა, მართ აგრეთვე პირად პირი» (1037).

გაჟირება მას ზრდის, ასალკლდევებს, ვეფხათ აქცევს. როცა ის მეფეს გაექცა, მარტოთ, კაცურათ ჩაცმული და ცხენით მიმავალი ქაჯეთის ჯარს შეეხეჩა, შიშს არ განიცდის. თავს ხელმწიფის შიკრიკათ აცხადებს და მათ უტყევს: გზა მომეჩითო: «ვინ ხართ ცხენოსანნო, თქვენ სახელი თქვენის თქვენით, გულანშაროთ მოციქული, ქაჯეთს მივალ, მერიდენით» (1088).

ერთი სიტყვით. არც ერთ მომენტში ის სულიერ წონასწორობას არ კარგავს; ის დასრულებული ტიპია მებრძოლის; პოეტმა მოგვცა წარმტაცი იდეალი ქალის სახით; ის საქართველოს ტანჯვა-წვალების, მისი მუდმივი ბრძოლის და საშიშროების გამომხატველი ლამპარია. პოეტი ამ სურათით გვეუბნება—ნუ დაეცემით, იბრძოლეთ და გაიმარჯვებთ!

აი როგორ აქო რუსთველმა თამარი «შეთარვით». უკეთესი ქება წარმოუდგენელია. მაგრამ ამ ტიპში, უეჭველია. მარტო თამარი არ იგულისხმება, აქ არის ქალების მთელი წყება მის ირგვლივ თავმოყრილი და მისი თანამშრომელნი. იმ დროს ქალები, საზოგადოთ, დიდ როლს თამაშობდნენ სახელმწიფოში. საქმარისია გავიხსენოთ რამდენიმე მაგალითი ისტორიიდან. /თამარ-მეფის წინააღმდეგ აჯანყებული აზნაურები დაამშვიდა და მორჩილებაში მოიყვანა თამარის მოციქულ ორ დარბაისელ მანდილოსანმა. / ამათ წინაშე აჯანყებული მამაკაცები იარაღს ყრიან! ან და როცა გამარჯვებულ ლაშქარს ტყვე მაკმადიანები მათ დასამცირებლათ გატიტვლებული მოყავს, ქართველი ქალები პროტესტს აცხადებენ და ტყვეებისათვის ტანისამოსის დაბრუნებას მოითხოვენ. ლაშქარი ემორჩილება და სხ. ასე რომ რუსთველს ყველა საბუთი ქონდა მორალური სიმაგრე ქართველ ქალში დაესახა. ხოლო ფიზიკური. მხედრული, ქართველ კაცში.

როგორც ხედავთ ახალგაზდა თამარის (17 წლის) მიერ კრების წინაშე წარმოთქმული სიტყვა ცოლ-ქმრობაზე გადა-

იქცა რუსთველის კალმით მთელ რომანათ. მისი შემოქმედების წყაროთ. მისი პოეზიის ჩირაღდნათ. პოეტმა მას მისცა საერთო, სამარადისო ხასიათი და დასახა საზოგადოების იდეალათ. «ვეზის-ტყაოსანი» პირველი თანამედროვე რომანია მსოფლიო ლიტერატურაში. პირველათ რუსთაველმა დახატა ქალი მებრძოლი თავისუფლებისათვის, თავისი გულის, სულის და სხეულის პატრონობისათვის. რუსთველამდე ქალს ათხოვებენ, რუსთველიდან ის თხოვდება თვითონ, თავისი ნებით და ამოჩჩენით.

პოეტი მარტო ამ იდეალის დახატვით რომ დაკმაყოფილებულიყო, ის მაინც დარჩებოდა უდიდეს მგოსნათ, სიყვარულის პირველ მომღერლათ. მაგრამ ამ საამო სიმღერაში მან ჩააქსოვა ცხოვრების ყველა ძირითადი მხარეები, მან სთქვა თავისი აზრი პოლიტიკურ, სოციალურ და რელიგიურ პრობლემაზე. მას არ დარჩენია არც ერთი მთავარი საკითხი საზოგადოების ურთიერთობისა გაუნათებელი, პოეზიის შუქში გაუტარებელი.

პოლიტიკური და სოციალური ურთიერთობა.

რუსთაველის მიერ დახატული საზოგადოება აწენებულა შემდეგნაირათ:

მალა დგას მეფე. მის ქვემოთ ვეზირები და დიდებულები. შემდეგ მოდის სპა, ანუ ლაშქარი, მიწის მუშაკნი, და ვაჟრები, ხოლო სულ დაბლა მონები.

განვიხილოთ ეს სოციალური წრეები ცალ-ცალკე. როგორია მეფე? რა ძალა და გავლენა აქვს მას?

რუსთაველის მეფე სრულიად არ გავს ფეოდალურ მეფეს. ის არ არის პირველი თანასწორთა შორის. პირიქით, მისი სწორი არავინაა. მისი ძალა უსახლვროა, მისი წარმოშობა ღვთაებრივია. ავთანდილ როსტევეანს უწოდებს «ღვთის სწორს» (738), «ვინცა მოკვდეს მეფეთათვის სულნი მათნი ზეცად რბიან» (354); მეფეა მთელი ქვეყნის თვითმპყრობელი (236). მცირე ძალის პატრონი მეფე, სარიდან, უარს ამბობს თავის ტახტზე დიდი მეფის ფარსადანის სასარგებლოთ. რომლის მოხელეთ, ამირბარათ, ის ხდება. ამ წესით მოხდა ქვეყნის გაერთიანება, ერთი მეფობის დამკვიდრება. ერთი ხალხი—ერთი მეფე პოლიტიკური იდეალია. მეფის სურვილი კანონია. მას ვერაფერ დაუდგება წინ; როსტევეან ემუქრება თავის ვეზირს: «თავმან ჩემმან თავსა მოგკვეთ, არრად უნდა ამას ცილი» (646).

ერთი სიტყვით, რუსთაველის მეფე არის თვითმპყრობელი. ობსოლიუტისტი. რომელსაც მორჩილებს ყველა კლასი, მთელი ერი.

ამ დიდ ძალას ის ხმარობს ხალხის სასარგებლოთ. მეფე არის «მაღალი, უხვი, მდაბალი». «მოსამართლე და მოწყალე, მარჯმული, განგებიანი» (1). ის ეხმარება გაქვივრ-

რებულთ და დავრდომილთ, ებრაჱვის სიავეს და ბოროტებას. აწარმოებს ფართე ქველმოქმედებას. ის არის «გონიერი. გული ლბილი» (99). ასეთი მეფის ქვეშევრდომნი ბედნიერნი არიან. ვინაიდან მეფე

«ყოვლთა სწორად წყალობასა ვითა თოვლსა მოათოვებს. ობოლ-ქვრივნი დაამდიდრნეს და გლახაკნი არ ითხოვდეს. ავის მქნელნი დააშინეს, კრავნი ცხვართა ვერა სწოვდეს. შიგან მათთა საბრძანისთა თხა და მგელი ერთგან სძოვდეს» (1426).

ამ ნაირად, პოეტის იდეალია მეფე თვითმპყრობელი. მეფე რეფორმატორი, მეფე მოსიყვარულე და სამართლის მომნიჭებელი.

საიდან აიღო პოეტმა ეს სურათი, რათ დასჯირდა ამ იდეალის დახატვა? საკმარისია გავიცნოთ მაშინდელი საქართველოს შინაგანი პოლიტიკური მდგომარეობა, თამარ მეფის მოღვაწეობა, რომ სწორი პასუხი ვიპოვოთ.

თამარის მეფობა დაიწყო დიდი შინაგანი კონფლიქტით. დავით აღმაშენებლის მიერ დაწყებული ქვეყნის გაერთიანება. მრავალმეფიანობის და აზნაურობის თავგასულობის მოსპობა საბოლოოთ დასრულდა თამარის მამის გიორგის მეფობაში. მაგრამ როგორც კი გიორგი გარდაიცვალა და ტახტზე 17 წლის ქალიშვილი დაინახეს, ჭდიდ-გვარიანი აზნაურნი აჯანყდენ და მეფე-ქალს ულტიმატუმი წაუყენეს: ძალა უფლება გადმოგვეციო. «ქართლის ცხოვრების» აწერილობით მათ ერთმანეთს შეფიცეს: «გვარიანნი და თვით მსახურეულნი სახლნი უპატიოთ და უსახოდ განსულვართ უგვართა და უხამთავან» და მოითხოვეს მეფის სასახლის გვერდით დადგმა მეორე სასახლისა. სადაც ისინი დაჯდებიან «თავის უფლებით მსხდომარენი, რათა მივეცემდეთ და მოვიღებდეთ, რომელთამე ვრისხავდეთ და რომელთამე ვწყალობდეთ:

ამას ესრეთ ვაკადრებდეთ და ვაცნობებდეთ თამარს მეფესა და დედოფალსა და მუნღა სრულ იქნებოდეს განგებული ჩვენნი (გვ. 281). აქედან მათი მოთხოვნილება ნათელია: მთელი კანონმდებლობის და მართველობის გადაცემა მათთვის: მეფეს რჩებოდა მხოლოდ მათი გადაწყვეტილების დამტკიცება! მიზანი ამ ცვლილებისა იყო დიდგვარიანთა გაძლიერება. მათი ავტორიტეტის ამაღლება, რაიცა თურმე «უგვაროებს» შეუვიწროებიათ. აქ სჩანს პირველი ნაბიჯი პარლამენტალური წესისა, როგორც შემდეგ ინგლისში დაიწყო. მაგრამ საქართველოს სინამდვილეში ის გადიქცეოდა არა პარლამენტის, არამედ ფეოდალიზმის ბერკეტათ. ყოველ შემთხვევაში წამოყენებული მოთხოვნილება კი პარლამენტალური წყობილების პირველი ამოძახილია და საკვირველია რომ ეს ამოძახილი პირველათ საქართველოში გაისმა. დასავლეთში საერო კრებები ხშირად იმართებოდა. მაგრამ ყოველთვის სათათბირო მნიშვნელობა ქონდა და არსად ის უფლებისათვის ბრძოლად არ გადაქცეულა.

აი ამ დიდ პოლიტიკურ დავაში ერევა რუსთაველი და დგება თამარის მხარეზე. ის უქვეელია ამ საქმეში პირად მონაწილეობასაც იღებდა და აჯანყებულთ ებრძოდა. აჯანყების ჩაქრობა საკმარისი არ იყო. საჭირო გახდა მეფის უფლების ხალხში გამაგრება იდეურათაც. მან პირველათ წამოაყენა ლიტერატურაში თვითმპყრობელობის თეორია და აღკურვა წარმტაცი თვისებებით. ამავე დროს ამავე თეორიას ჩვენ ვხედავთ «ქართლის ცხოვრება»-შიაც. ისტორიკოსი ერთ ადგილას სწერს: მტერნი «გააქცივნეს. ამოსწყვიდნეს და მოიღეს არმალანი წინაშე თვითმპყრობელისა» ე. ი. თამარისა (გვ. 287). საზოგადოთ სიტყვა თვითმპყრობელი მეფის აღსანიშნავად ხშირად იხმარება იმ დროს. ეს ტერმინი დაუპირდაპირეს აჯანყებულ დიდგვარიანთა ტერმინს «თავის უფლებითა».

როგორც ხედავთ, პოეტი და მემატრიანე ერთნაირი ტერმინებით იცავენ მეფის უფლებას და მით ადიდებენ თამარს. საიდან გადმოხატა პოეტმა მეფე-რეფორმატორის სურათი? ეს სურათი მას თვალწინ ქონდა, თამარის საქმეები იძლეოდა ამ შთაგონების მდიდარ წყაროს. თამარმა პირველათ გააუქმა საქართველოში სიკვდილით დასჯა, ასობის მოკვეთა, თვლების დათხრა და სხვა. «შორს იყო ყოვლისა მესისხლეობისა, თვალთა დაბნელებისა და ასოთ ამოღებისა» (გვ. 283). ასეთი რადიკალური რეფორმა სისხლის სამართლის კოდექსში, რასაკვირველია, დიდ შთაბეჭდილებას მოახდენდა პოეტზე. თამარის ქველმოქმედება ხომ მეტად განთქმული იყო, ისტორიკოსი მას ხშირად ასწერს. მისი სიტყვით, თამარმა «დაიდვა გულსა თვისსა ვითარ დასაბამი იგი სიბრძნისა შიში უფლისა, და სამართალი და წყალობა სწორად ყოველია ზედა» და სხვა (გვ. 324): აქ ნახმარია რუსთაველური ტერმინოლოგია: «ქიქიქი-ქიქი» სწორად წყალობისა ვითა თოვლსა მოათოვდეს». პოეტი და ისტორიკოსი ძალიან ხშირად ერთნაირი ენით ლაპარაკობენ. ამ პირად მეფურ სიუხვეს ზედ ერთვის სახელმწიფო ქველმოქმედება, რომელიც იმ დროს მთელ დაწესებულებათ გადაქცეულა. ჯავახიშვილის გამოკვლევით, თამარის დროს კანონი ყოფილა, რომლის ძალით მთელი საშინაო და საგარეო შემოსავლის ათისთავი ქველმოქმედებაზე იხარჯებოდა (იხ. მისი ისტორია, ტ. II, გვ. 648). ამ მიზნით დაუარსებიათ მთელი უწყება საგანგებო მოხელეებით.

და სწორედ ისე, როგორც ინდოეთში ტარიელის და ნესტანდარეჯანის წყალობით «თხა და მგელი ერთად ძოვდენ», საქართველოშიაც თამარის ისტორიკოსი ასეთივე პოეტური ფანტაზიით აგვიწერს საერთო კეთილდღეობას. ის სწერს: «და სიტყვისაებრ წინასწარმეტყველისა, ერთბაშად

მოვიდეს ლომი და ხარი, და იხარებდეს ვეფხი თიკანთა თანა და მგელი ცხვართა თანა და განდიდნა სახელი თამარისა ყოველსა ზედა პირისა ქვეყნისასა» (კვ. 297). ეს ვასაშტერებელი ერთიგეეობა არა თუ ახრის, აჩამედ სტილის, გამოთქმისა მოწმობს ორში ერთს: ან მატთანე რუსთველის სელმძღვანელობით და რედაქციით არის დაწერილი. ან და თვით ის ხელმძღვანელობდა უკვე დაწერილი მატთანეთი. /

ერთი სიტყვით, რუსთველის მიერ აწერილი არაბეთის და ინდოეთის მეფენი და მათი საქმენი შეიცავენ საქართველოს სახელმწიფოს სინამდვილეს. როგორც ეს მაშინ თამარის თაყვანისმცემელთ და თანამშრომელთ ესმოდათ. ეგევე ითქმის პოეტის ყველა დანარჩენ აწერილობაზე.

მეფე თვითმპყრობელი, პოეტის აწერით, თავის საშინაო და საგარეო პოლიტიკას ატარებს დიდებულთა საშვალეებით. ეს წრე შეიცავს, პირველ ყოვლისა, ვეზირებს. თინათინის გამეფება ვეზირთა თათბირზე გადაწყდა. შემდეგ მოდის სპასპეტები ანუ ჯარის უფროსები: სვარაზმშას სიძეთ მიყვანა გადაწყდა ჯართა უფროსის ტარიელის მონაწილეობით. ავთანდილ იყო «სპასპეტი, ლაშქრისა ბევრ ათასისა» (13). ხოლო ტარიელს ეპირა ამირბარობა და ამირსპასალარობა. ე. ი. ყოფილა მთელი ლაშქარის სარდალი. მას თვითონაც ყავს დიდებულები, რომელნიც ახლდენ ხატაეთის ომში და მათ ეთათბირება. ესენი მისი ჯარის უფროსებია. დიდებულთა შორის პოეტს არ ყავს მოხსენებული არც ერთი სასულიერო პირი. საზოგადოთ, რუსთაველის დიდებული უეკველათ რაიმე დიდი თანამდებობის პირია.

ახლა თუ გავსინჯავთ ისტორიას დავინახავთ, რომ საქართველოში, განსაკუთრებით თამარის დროს და წინ, დიდებულობა რუსთაველურათ არის წარმოდგენილი. ჯავახიშვილის გამოკვლევით «დიდება» ძველად თანამდებობასა და თა-

ნამდებობაზე დაფუძნებულ პატივს ნიშნავდა... დიდებული იმავე დროს დიდი მოხელე იქნებოდა». (იხ. მისი ქართული სამართლის ისტორია ტ. 1). რადგანაც მოხელენი უმთავრესათ აზნაურებისაგან იკრიბებოდა, ცხადია დიდებული იმავე დროს აზნაურიც იქნებოდა. აღსანიშნავია ის, რომ პოეტი სრულიად არ სცნობს ამ წოდებას. მას არ იხსენიებს არსად, მისი იდეალია მოხელეობა, სახელმწიფოს სამსახური და არა გვარიშვილობა. ეს შეხედულება სავსებით უდგება მის პოლიტიკურ კონცეპციას. სასულიერო პირთა დიდებულთა წრიდან გამოორიციხვა შეესაბამება ისტორიულ სინამდვილეს. «ქართლის ცხოვრება»-ს სიტყვით «შეკრბეს ყველანი იმის სამეფოსა დიდებულნი, სპასალარნი და ერისთავნი, წინაშე პატრიარქისა და ეფისკოპოზთა და მოახსენეს მათ» (გვ. 284), აქედან ცხადია. დიდებულნი ყოფილან უმაღლესი მოხელენი, მეფის მიერ დანიშნულნი. ჯარის უფროსნი და ერისთავნი, ხოლო უმაღლესი სასულიერო პირნი, როგორც მეფის მიერ არ დანიშნულნი და არც სახელმწიფო სამსახურში მყოფნი, დიდებულთაგან გამოყოფილი არიან. ←

რუსთაველი არ ხმარობს სიტყვა «აზნაურს», ხმარობს «თავადს», მაგრამ არა იმ მნიშვნელობით, როგორც ახლა იხმარება. მისთვის თავადი ნიშნავს არა წოდებრიობას, დიდგვარიანობას, არამედ მეთაურობას, წინამძღოლობას, ავთანდილ ეუბნება შერმადინს: «ჩემ წილ დაგაგდებ პატრონად, თავადათ ჩემთა სპათასა» (106), ან და «სახლი ჩემი შეინახე, სპათა ჩემთა ეთავადე» (654). თავადი შეიძლება იყოს მონაც. თუ ის ვინმეს მეთაურობს. «როშაქ მონაა, თავადი მონისა ბეგრ ათასისა» (1083). ერთი სიტყვით. პოეტისათვის თავადი ნიშნავს მეთაურს. ამავე შინაარსით ხმარობს ამ ცნებას ისტორიკოსიც. ის გიორგი რუსის მაჟანკალს. თფილისელ ვაჟარს უწოდებს ვაჟართა თავადს (გვ. 264); აგრეთვე ჯარის უფროსები თავადათ

ისხენებიან (გვ. 322). ხელმწიფის კარის გარიგებაში¹⁾ ნათქვამია: «ამირსპასალარი საპატოო ვეზირი არის და თავადი ლაშქართა»-ო. ცხადია, თავადობა, როგორც წოდება იმ დროს საქართველოში არ არსებობდა და ამიტომ ის არც რუსთაველისათვის არსებობს.

ამ მართველთა წრეს მოსდევს ს.პ. ანუ ლაშქარი. ვისგან შესდგებოდა ის? მის მთავარ ძალას, უეკველია, მიწის მუშაკნი არ შეადგენდენ. «მუშა მიწივ მუშაობდეს, მეომარი გულონებდეს» (IX), ასე გაყოფილი აქვს პოეტს ეს ორი კატეგორია. და თუ დაუკვირდებით მაშინდელ საქართველოს სინამდვილეს—ეს გაყოფა ადვილი გასაგებია. ომი იყო თითქმის მუდამ, მაშასადამე მისი წარმოება შეეძლო მოკლილ ხალხს: გლებთა ომში ჩაბმა ნიშნავდა მთელი საზოგადოების შიმშილით ამოწყვეტას. მასში არ შედიოდა ვაქართა კლასი ამავე მიზეზით. ვაქრობა დაინგრეოდა. ამიტომ მათ ომიანობა არც კი იცოდენ. «თქვენ ვაქარნი ჯაბანნი ხართ. ომისაცა უმეცარნი» (907). ხოლო ეს მოკლილნი იყვნენ უფლება-უპირატესობით მოსილნი აზნაურები. ამათთვის ლაშქრობა ხელობათ და ქონების წყაროთ გადაიქცა. ისინი თვით ითხოვდენ მთავრობისაგან «გვალაშქრეთო», როცა მშვიდობიანობა გახანგრძლივდებოდა. ეს შეიარაღებული ძალა მუდამ დიდ საშიშროებას წარმოადგენდა მეფის უფლებისათვის, მაგრამ ის გასტეხა დავით აღმაშენებელმა მუდმივი, დაქირავებული ჯარის დაწესებით ყვიჩაყულებისაგან. რომელნიც მოიყვანა ჩრდილო კავკასიიდან (40000, თავისი ოჯახობით). თამარის დროს ეს წოდება უკვე მოსამსახურე წოდებამდე ჩამოქვეითდა და ამიტომ მისგან გამოსულ ლაშქარს არავითარი პოლიტიკური ფუნქცია აღარ

¹⁾ ეს ისტორიული დოკუმენტი ნახული და გამოცემულია თავის კომენტარიებით ექვ. თაყაიშვილის მიერ.

შერჩა. აი ამ ისტორიულ სინამდვილის კალაპოტში დგას სავსებით ჩვენი პოეტი: შერმადინ ავთანდილის ანდერძს უკითხავს არა მთელ ლაშქარს, არამედ რჩეულთ («ხასნი და დიდებულები» 124). მთელი ლაშქარი და მისი უფროსები უსიტყვოთ შერმადინს უცხადებენ ერდგულებას და მორჩილებას. ვინაიდან ასეთი იყო ბრძანება ავთანდილისა, «იგი მონა აპატრონეს, ყველაკამან თაყვანი სცა» (125). ამაზე უფრო ჩამოქვეითება აზნაურობის შეუძლებელია. პოეტი არსად არ ლაღობს თავის პოლიტიკურ დოქტრინას. ლაშქრის მიწვევის უფლება ქონდა, ჯავახიშვილის გამოკვლევით. მხოლოდ მეფეს: «ვეფ. ტყ—ში» კი მას იწვევს ამირსპასალარი ტარიელი. «ეუბრძანე წვევა ლაშქართა. გავგზავნე მარზაპანია» (317). «წვევა ლაშქართა» მიღებული ტერმინი იყო მეფეთა ბრძანებებში. ხოლო მარზაპანი იხმარებოდა მხოლოდ დავით აღმაშენებლის დროს, (იხ. ჯავახიშვილი). პოეტი ხმარობს მაშასადამე ძველ სიტყვას. მოწვეული ჯარის აღლუმი ხდებოდა მეფის მიერ. შემდეგ დროშას ჩააბარებდა ამირსპასალარს. რუსთაველი კი მთელ ამ პროცედურას მხოლოდ ამირსპასალარს მიაკუთნებს. «აღლუმი ვნახე, მეკეთა ლაშქართა მოკაზმულობა», «ავმართე დროშა მეფისა» და სხ. (318, 319). აქედან აშკარაა, ამირსპასალარს ქონდა ამის უფლება გამონაკლის შემთხვევებში. თვარა პოეტი ასე კატეგორიული ამ მხრით არ იქნებოდა.

საკვირველია ერთი ამბავი: შეიარაღებულ ძალთა შორის ხშირათ ვხედავთ მონებს, რომელნიც ერთობ დიდ როლს თამაშობენ მეფის გარშემო. როსტევის მონები ემსახურებიან და არა ყმანი, ნადირობის არბიტრათ მეფე ნიშნავს თორმეტ მონას. მას ახლავს «მონები მხარ მაგრებიან». ტარიელის დასაქერათ მეფე გზავნის მონებს და არა მოყმეთ (53). ერთი სიტყვით, ყოველგან მეფე პირად განკარგულებას ახდენს

მონების საშუალებით. თუ კი მონები გაყავდათ ლაშქარში, გლეხები რატომ არ უნდა გაეყვანათ? ნამდვილათ კი, როგორც ისტორიიდან ვიცით ესენი არ ყოფილან უბრალო მონები, არამედ საგანგებოთ შედგენილი მეფის პირადი მცველთა ჯარი, რომელთაც ეწოდებოდა «მონა-სპები». (იხ. ჯავახიშვილი). მაშასადამე, რუსთაველი სწორეთ მუდმივ შეიარაღებულთა ამ კატეგორიას გულისხმობს; ის სინამდვილეს ასეთ წვრიმალნებშიაც კი არ შორდება!

ვაქართა წრეს პოეტი ყოფს ორათ. ვაქარნი და დიდ-ვაქარნი. უკანასკნელნი დაახლოვებულნი არიან სასახლესთან, მისვლა-მოსვლა აქვთ მეფესთანაც.

«ჩვენ დიდ ვაქართა ზედა გვაძს დარბაზს მიღება ძღვენისა, მათ საბოძვრისა ბოძება მართებს მსგავსისა ჩვენისა» (984). ამ კლასის მნიშვნელობა თამარის ხანაში დიდი იყო. თვით თამარის მაქანკალი, გიორგი რუსის მომყვანი, თფილისელი ვაქარია. «წარავლინეს კაცი ერთი მკვიდრთაგან თბილისითა, დიდი ვაქარ სახელათ ბანქონ ზორაბობელ» — სწერს მემპტიანე (ქ. ც. გვ. 285).

ყველა ამ ზემო აღნუსხულ კლასებს და წრეებს შეადგენდნენ თავისუფალი ადამიანები, იურიდიულათ დამოუკიდებელნი და თანასწორნი მეფის წინაშე. ამათგან გამორიცხულია ერთი კლასი—მონები და შეადგენენ საზოგადოების უდაბლეს საფეხურს. ვინ არის მონა?

მონა ყოველგან ერთი და იგივე პირია—ომში ტყვეთ აყვანილი ან ნაყიდი ადამიანი. გიორგი მეფის და თამარის ხანაში ძღვევა-მოსილ ომების წყალობით ტყვეთა რიცხვი ჩვენში ერთობ დიდი იყო. ისტორიკოსის ცნობით. თფილისის ბაზარზე ტყვე იყიდებოდა ერთ დრახმად (ხუთ შაურათ)! მონა ყავდა ყველას. ვისაც კი შეეძლო მისი ყიდვა; უეჭველია მონათა შორის ირიცხებოდა ვალში გაყიდული ქართველებიც,

რაც მაშინ ხშირი მოვლენა ყოფილა. რაკი მონები ასე ბევრი და იაფი იყო, გლეხების დამონავება და ძალით მიწახე სამუშაოთ მიკვრა ეკონომიურ აუცილებლობას არ წარმოადგენდა. ამიტომ დიდათ საეკვოა ამ დროს ბატონ-ყმობის არსებობა იმ ფორმით, როგორათაც შემდეგ, ფეოდალიზმის ხანაში, განვითარდა. გლეხი თუ თავისუფლებას მოკლებული იყო. რუსთაველი რატომ მხოლოდ მონების თავისუფლებას ითხოვდა და არასოდეს გლეხებისას? აეთანდილი თავის ანდერძში სწერს; «მიეც გლახაკთა საქურჴლე, ანთავისუფლე მონები» (697). შემდეგ, როცა გლეხი მონის მდომარეობაში ჩავარდა წესად შემოვიდა სულის საცხონებლათ გლეხის განთავისუფლება. თუ კი ეს წესი თამარის დროს მონებს მხოლოდ შეეხებოდა, ცხადია გლეხი ჯერ კიდევ არ ყოფილა თავისუფლებას სავსებით მოკლებული. ყოვლად დაუჯერებელია ვითომ ისეთ რეალისტ პოეტს, როგორიც რუსთაველია, გლეხის დამონება გამოპაროდა.

პოეტის მიერ დახატული მთელი სოციალური სტრუქტურა და კლასთა დამოკიდებულება, გარდა მონებისა, დაყრდნობილია ერთ ძირითად სოციალურ ურთიერთობაზე—ეს არის პატრონ-ყმობა.

რას ნიშნავს პატრონი, ვის ეწოდება ყმა?

ერთი და იგივე პირი შეიძლება იყოს ერთ შემთხვევაში ყმა, მეორე შემთხვევაში პატრონი. აქთანდილ არის ყმა როსტევეანისა, «მე პატრონისა ჩემისა ასული შემყვარებია», ამბობს ის (216). მაგრამ ყმები მასაც ყავს; ის სწერს თავის ლაშქარს: «ჩემნო ყმანო, გამზრდელნო და ზოვნო ზრდილნო» (116). ის ეუბნება მეფე ფრიდონს: «მე ვარ ყმა როსტენ მეფისა, მოყმე არაბეთს ზრდილობით» (861), ან და: «პირველ ყმა ვარ, წასვლა მინდა პატრონისა სამსახურათ. ხაშს მეფისა ერთვულება, ყოფა გემართებს ყმასა ყმურათ» (105).

ამ ტერმინალოგიიდან ცხადია ერთი: პატრონ—ყმობა არ არის ბატონ-ყმობა. პატრონი და ყმა—ორივე ერთნაირი თავისუფალი ადამიანებია.

ჯავახიშვილის გამოკვლევით, სიტყვა «პატრონი» შემოსულა ქართულ მწერლობაში მეთერთმეტე საუკუნეში. რომში პატრონი ეწოდებოდა მფარველს, რომელსაც ყავდა მფარველობის მოსურნე ადამიანი სახელწოდებით კლიენტი. ჩვენში კი ასეთ პიროვნებას ეწოდებოდა უფალი, ხოლო შემდეგ მას დაერქვა პატრონი. მაშასადამე პატრონ-ყმობა ნიშნავს ისეთ ინსტიტუტს. სადაც ერთი მხრით დგას სიუხერენი, მეორე მხრით მისი ვასალი, საიდანც შემდეგ განვითარდა ბატონ-ყმობა, მსგავსათ დასავლეთი ევროპისა. ჯავახიშვილის მიერ დახატული თამარის დროინდელი პატრონ-ყმობა საეცებით ეთანხმება რუსთაველის მიერ დახატულს, ერთის გამოკლებით—ჯავახიშვილი ფიქრობს გლეხები იყვენ «ყმები» თავიანთი ბატონებისა, ე. ი. იყო პატრონ-ყმობის გვერდით ბატონ-ყმობაცო. აი ეს წარმოდგენა ეწინააღმდეგება ვეფხისტყაოსანის აწერილობას და ამიტომ ის უნდა იქნას გადაშინჯული. ყმა. მოყმე პოეტის მიერ ყოველგან იხმარება ერთი და იმავე მნიშვნელობით—ახალგაზდა, ვაჟკაცი, რაინდი. ეს სიტყვა რომ დამონების სინონიმათ ყოფილიყო, პოეტი მას თავისუფალ ადამიანს არ დაარქმევდა. საზოგადოთ. მთელი ტერმინალოგია მიიღებდა ფეოდალურ ხანის სახეს.

რუსთაველის საზოგადოებაში მხოლოდ ორი კლასია დაბეჩავებული და დახმარების მაძიებელი: გლახაკნი და მონები. პირველნი საჭიროებენ ნივთიერ შველას. მეორენი თავისუფლებას; ცხადია, პირველნი თავუსუფალნი არიან. გლახაკი მაშინ იხმარებოდა არა მათხოვრის აღსანიშნავად, როგორც ეს დღესაა, არამედ ღარიბის, ხოლო სიტყვა ღარიბი ნიშნავდა მართო მოვზაურობას. ავთანდილი ამბობს: «სალარიბოთ

მოვემზადე». ე. ი. სამგზავროთო, ან და: «ლარიბი მოვკვდე ლარიბად, ვერ დამიტროს მჰობლმან» (666). ლირიბებს ნივთიერი დახმარება, მონებს თავისუფლებ. აი რუსთაველის სოციალური პოლიტიკა.

რუსთაველის მთელი პოლიტიკური ტერმინოლოგია არის განმეორება საქართველოს სახელმწიფო უფლების ტერმინოლოგიისა. ყველა მისი თანმდებობის პირი ისტორიულ სინამდვილეს აღნიშნავს. ჯარს ერქვა სპა. ჯარის უფროსს ძველათ სპასპეტი, შემდეგ სპასალარი, ვეზირი მინისტრს და სხ. ამათ შორის არის ისეთი თანამდებობანი, რომელნიც მხოლოდ ჩვენში იყო. მაგ. არაბეთ-სპარსეთში ვეზირი იყო მხოლოდ ერთი პირი. პირველი მინისტრი, დანარჩები ამ სახელწოდებას არ ატარებდენ. რუსთაველი კი სწერს «მეფემან იხმნა ვაზირნი» (3): რატომ ის მრავლობით იხსენიებს? იმიტომ რომ ვაზირები ბევრი ყოფილა და სწორეთ ასე იყო მხოლოდ ჩვენში; მეფის ხუთი მინისტრი ვაზირებათ იწოდებოდენ. ასევეა სიტყვა ამირსპასალარი, პოეტი სწერს: «ავთანდილ იყო სპასპეტი, ძე ამირსპასალარისა» (9). «თვით ამირბარსა ინდოეთს აქვს ამირსპასალარობა» (241). ამ სიტყვის ხმარება ამ მნიშვნელობით დაუწყიათ გიორგის და თამარის დროს. საიდან გადმოიღეს ის? სპარსნი ამ ცნებას აღნიშნავდენ სიტყვა «ამირ», ხოლო არაბები «სპასალარით». ქართველებს შეუერთებიათ ეს ორი სიტყვა და შეუქნიათ ახალი ტერმინი¹⁾.

ამ ნაირათ, რუსთაველი ფეხდაფეხ მისდევს საქართველოს სინამდვილეს, ის მას არ შორდება წვრილმანებშიაც. ის ასწერს არსებულ პოლიტიკურ და საზოგადოებრივ ურთიერთობას; აქედან მას გამოყავს პოლიტიკური დოქტრინა, რომლის გამარჯვებას ის ემსახურება. მისი დოქტრინაა: ობ-

¹⁾ იხ. ჯავახიშვილი სამართლის ისტორია I,

სოლიუტიზმი, რეფორმებზე დამყარებული. ანუ მეთვრამეტე საუკუნის ტერმინალოგიით რომ ვთქვათ, განათლებული ობსოლიუტიზმი. ის მეფეს ადარებს მხეს, რომლის სხივები ყველას ერთნაირათ ეფინება. «ვარდთა და ნეხვთა ვინადგან მზე სწორად მოეფინების, დიდთა და წვრილთა წყალობა შენცა ნუ მოგეწყინების», ასწავლის როსტევეან მეფე თავის ქალიშვილს თინათინს (გვ. 18).

მაშასადამე, პოეტის იდეალია არა ყოველნაირი მეფე, არამედ მხოლოდ ისეთი, რომელიც ღარიბებს ეხმარება, მონებს ათავისუფლებს^{*)}, სიმართლეს მისდევს («ქმნა მართლისა სამართლისა») — ერთი სიტყვით უმაღლესი კაცთმოყვარული თვისებებით დაჯილდოებული. «რასაცა გასცემ შენია, რაც არა დაკარგულია». ამ გზით მალდდება მეფის ავტორიტეტი და მით ძლიერდება თვით სახელმწიფო. ე. ი. საბოლოოთ, პოეტის მიზანია სახელმწიფოს მკვიდრ, ფართო საფუძველზე აგება. ამ მიზანს ის უმორჩილებს მთელ თავის პოლიტიკურ და სოციალურ მოძღვრებას.

ყველაზე უფრო გასაკვირი ისაა, რომ ამავე პოლიტიკურ მიზანს პოეტი უმორჩილებს თავის რელიგიურ დოქტრინასაც. ვინაიდან ეს საკითხი დიდ დავას იწვევს ჩვენს მწერლობაში, ამიტომ საჭიროთ მიგვაჩნია მასზე უფრო ვრცლად შევჩერდეთ.

*) ცნობილია, რომ დავით აღმაშენებელმა ანისის აღების შემდეგ აყვანილი ტყვეები გამოიყიდა მონობიდან სარწმუნოების განურჩევლათ და ანისში დააბრუნა.

6. რელიგიური დოქტრინა.

რუსთაველს ბევრი მოხვდა უმთავრესათ მისი რელიგიური იდეებისათვის. ზოგი მას მაჰმადიანათ აღიარებს, ზოგი მწვალებლათ, ზოგი პანტიკისტათ, ატიკისტათ, ერთი სიტყვით ყოველ შემთხვევაში ეკლესიის უკანონო უვილათ.

და მართლაც, საკვირელი ამბავია. მთელ საშუალო საუკუნეში არ დაწერილა საქრისტიანოში პოემა, სადაც არ იყოს ქრისტიანობის აპოლოგია, ქრისტეს მოძღვრების ქებათა-ქება, ხოლო ყველა არაქრისტიანთა «ურჯულოებათ» გამოცხადება. რუსთაველის თანამედროვე შავთელი თავის პოემას ასე იწყებს: «სამებით ღმერთმან, არსებით ერთმან», წმინდა მართლმადიდებელ დოგმატით; მაჰმადს ასე უმასპინძლდება: «მაჰმადის სჯულსა. გარდალაჯულსა, ბილწად საქიქელ, საბას რაბელსა»... ასევე იწერება ევროპაში; აქ თვით თემებიც უმთავრესათ სამღვთო-წერიო ისაგან არის ამოღებული; უმღერიან განსაკუთრებით «დაბადების» ამბებს. რაინდთა ორდენის სტატუტთა პირველი მუხლი აღიარებდა ქრისტიანობის დაცვას. ჯვაროსანთა ომები სწორეთ რუსთაველის ხანაში წარმოებდა. მთელი საქრისტიანო იერუსალიმის ასაღებად ბოტოქრობდა. აი ამ საერთო რელიგიური ალტყინების დროს გამოდის ქართველი მწერალი, სწერს დიდებულ ეპოპეას და შიგ ერთი სიტყვითაც არ იხსენიებს არც ქრისტიანობას. არც მართლმადიდებლობას, არც სამებას, არც ჯვაროსანთა ლაშქრობას, არავითარ რელიგიურ დოგმატებს!

რაშია საქმე?

რელიგია ეწოდება ღვთის მსახურების განსახლვრულ ფო-

რმას, რომლის საშუალებით მორწმუნე ფიქრობს ღმერთთან დაკავშირებას, მის დიდებას და მისი საშუალებით სააქაოს და საიქიოს მოპოვებას. მაშასადამე, საერთოა ყველა რელიგიაში ღვთის არსებობის აღიარება. ღმერთი ყველას უნდა სწამდეს, ხოლო შემდეგ იწყება განსხვავება. დგება სხვადასხვა რელიგია საკუთარი მოძღვრებით და წერილით. რუსთაველი დგას რელიგიათა საერთო ნიადაგზე. ერთი ღმერთის არსებობა მისთვის უდაოა. მაგრამ უარყოფს ყველა იმ მოვლენას, რაც ერთ რელიგიას მეორისაგან ანსხვავებს. მათ დოღმატებს, მათ ლოცვას, მათ გარეგან გამოხატულებას. ავთანდილის ლოცვა და ანდერძი ნათელ ყოფს ამ დებულებას. დამახასიათებელია ლოცვის შინაარსი. ე. ი. რას და როგორ ლოცულობს. ის სთხოვს ღმერთს:

«მომეც დათმობა სურვილთა, მფლობელო გულისტქმათაო...
ნუ აღმოუხვრი სიყვარულსა, მისგან ჩემთვის დანათესსა,
მტერთა ძლევა, ზღვათა ლელვა, ღამით მავნე ჯანმარიდე».

(693-695).

როგორც ხედავთ, ის ღმერთს ევედრება პირდაპირ, უშუაშაველთ, არც ქრისტე, არც მაკმადი, არც წმინდანი. არავითარი მოციქული და კარისკაცი ღმერთთან. ლოცვის ფორმა არ არის რელიგიური ფორმის და დოღმატის. მისი შინაარსი კი წმინდა სამოქალაქოა. ის ითხოვს სურვილის დათმობას, ე. ი. მტკიცე ნებისყოფის შენახვას. სიყვარულის დამაგრებას თინათინში. დახმარებას მტერთან ბრძოლაში მოგზაურობაში. სამაგიეროთ პირდება მსხვერპლის შეწირვას. ასე ლოცულობენ ილიადას ყველა გმირები თავთავიანთ მფარველ ღმერთების წინაშე. ეს ანტიური, წარმართული ლოცვაა. არც ბატი, არც ჯვარი, არც ყურანი, არც სახარება---არც ერთი ატრიბუტი რომელიმე სარწმუნოებისა. ასეთივე ხასიათისაა როსტევის ბრძანება შესახებ ავთანდილის გაპარვისა:

«მერმე ბრძანა—მხიარულსა ნუ ჩაიკმენ ჩემნი სპანი, ეამლოცველნოთ დაერდომილნი, ობოლნი და ქვრივნი სხვანი, შვეფწივნეთ, მშვიდობისა ნუთუ მისცნეს ღმერთმან გზანი» (1713). ე. ი. ალოცებენ არა ღვთის მსახურთ, ხოჯებს და მათ ამყოლოთ, არამედ ღარიბებს. დაერდომილებს. არც ეკლესია. არც პარაკლისი, არც წირვა—არაფერი დოღმატიური. და ასე ყოველგან. მთელს პოემაში. ყველა ფიცი სამოქალაქოა. არც ერთი რელიგიური (ფიცი ნესტანდარეჯანისა, ტარიელის და ავთანდილისა. უსენის და სხ.). ეს უბრალო ვაქარი უსენიკი ურელიგიო ფიცს იძლევა:

«ფიცი ჰფიცა საშინელი: თავიცაო კლდეთა ვიცე,

რაცა მითხრა. სიკვდილამდის არვის უთხრა სულიერსა,

არა ბერსა. არა ემასა. მოყვარესა, არცა მტერსა» (1015).

ეს უბრალო აღთქმაა, როგორც ახლა შემოღებულია სასამართლოებში ურწმუნოთათვის. ხოლო ჩვენი პოეტისათვის ის არის «ფიცი საშინელი».

რელიგიური თვალსაზრისით სიკვდილის შემდეგ საკირა სულის ცხოვებისათვის განსაკუთრებითი ზრუნვა: წირვა, პანაშვიდი, წმინდა ადგილების მოვლა და იქ ლოცვა, ეკლესიების და მის მსახურთა დასაჩუქრება. ღვთის წინაშე სხვა და სხვა პროტექტორთა მოპოვება (მაკმადი, წმინდანები და სხ.). არაფერი ამის მსგავსი პოემაში არ არის. აი ავთანდილი რას ითხოვს როსტევანისაგან მისი სიკვდილის შემდეგ გასაკეთებლათ:

«მაქვს საქონელი ურიცხვი, ვერვისგან ანაწონები,

მიეც გლახაკთა საქურქლე¹⁾, ათავისუფლე მონები,

შენ დაამდიდრე ყოველი. ობოლი. არას მქონები.

¹⁾ საქურქლე ნიშნავს ქონებას, სიმდიდრეს.

მიღწეინ. მომიგონებენ, დამლოცვენ, მოვეგონები.

რაცა თქვენთვის არ ვარგიყოს საქურქლესა ') დასადებლათ მიც ზოგი ხანაგათა "). ზოგი ხილთა გასადებლათ.

ნურა ნუ გშურს საქოხელი ჩემი ჩემთვის წასაგებლათ»

(687-688).

როგორც ხედავთ. ეს წმინდა მოქალაქობრივი ანდერძია. კერძო და საზოგადო ქველმოქმედება—აი რა ქმნის უკვდავთ მიცვალეზულს. მას მოიგონებენ ობლები, არას-მქონები, მას მოიგონებს საზოგადოება, მთელი ხალხი. ეს საუცეთესო ანდერძის საუკეთესო ნიმუშია. ერთი სიტყვით, პოეტი არ აყენებს არც ერთ რელიგიურ დოქტრინას, არ ემყარება არც ერთ სარწმუნოებას. რელიგიის სფეროდან მას ამოაქვს მხოლოდ ის რაც საერთოა ყველასათვის, ღმერთის არსებობა, ხოლო ყოველივე ის რაც ანსხვაებს ერთი რჯულის ხალხს მეორისაგან განდევნილია. ამით აიხსნება ისიც რომ სიტყვაც არ არის არსად დაძრული იმ დიად ამბებზე, რომელიც იმ დროს აფორიაქებდა მთელ საქრისტიანოს და სამაჰმადიანოს—ჯვაროსანთა ომებზე. სწორეთ იმ დროს იერუსალიმის გამო გამართული ომები პოეტში არ პოულობს არავითარ გამოხმაურებას. ომი სარწმუნოებისათვის მისთვის არ არსებობს.

რით აიხსნება ეს საოცარი მოვლენა?

ჩვენი მკვლევარები ასახელებენ ამ მოვლენის სხვადასხვა მიზეზებს. რომელნიც შეიძლება გავყოთ სამ კატეგორიათ. ერთნი ამბობენ, რომ პოემაში სამაჰმადიანო მსოფლმხედველობა გატარებული და თვით პოეტიც ქართველი მაჰმადიანი იყოღო (კეკელიძე, აბულაძე, მარი); მეორეთა აზრით პოეტი იყო მწვალებული. არა წმინდა ქრისტიანი (პ. ინგოროყვა).

') ზახინა: ") საზოგადო თავშესაფარი.

ხოლო მესამენი უჩვენებენ პოეტის ნეოპლატონიური ფილოსოფიის მიმდევრობას (მარი). განვიხილოთ ეს შეხედულობანი ცალ-ცალკე.

მაჰმადიანური მსოფლმხედველობა არის პირველ ყოვლისა რელიგიური. ისლამიური მსოფლმხედველობა. ის სავსებით ყორანზეა დაფუძნებული. პოემა კი სავსებით რელიგიის გარეშე დგას. როგორც ქრისტიანულის. ისე მაჰმადიანურის. ის მთლიანათ საერო ნიადაგზე რჩება. პოეტი მართალია იხსენიებს ყორანს და მის მსახურთ მაგრამ მეტათ უპატივცემულოთ და უარყოფითად. ტარიელი ამბობს:

«სრულნი მუყრნი და მულიმნი მე გარეშემო მცვიდიან,
მათ ხელთა ჰქონდათ მუსაფი, ყოველნი იკითხვიდიან.
მტერ-დაცემული ვეგონე. არ ვიცი რას ჰჩმახვიდიან»
(270).

ხოჯების მიერ ყორანის კითხვის ჩმახვათ, ე. ი. სისულელის რომეათ, დასახვა ნათელყოფს აეტორის გარკვეულ ანტიმაჰმადიანურ შეხედულებას. მთელი ის ადათ-ჩვეულებანი, რომელიც პოემაში აწერილია, პირდაპირ ეწინააღმდეგება ისლამის მოძღვრებას. არსად მასწავლებლათ და სულიერ ხელმძღვანელათ ყორანის მოციქულნი არ არიან გამოყვანილნი. ყველგან ასეთ პოსტზე დასახელებულია ბრძენნი, ათინის ბრძენნი (590): «ბრძენთა მიმცეს სასწავლებლათ». ამბობს ტარიელი (244); ნესტანდარეჯანი ჩააბარეს მეფის დას დაეარს «სიბრძნისა სასწავლელად» (253). ქალები გამოდიან საზოგადოებაში უჩადროთ. თინათინს «ებურნეს მოშლით რიდენი». მაგრამ ეს არ ნიშნავს პირის დაფარვას; რიდეს თვით ტარიელიც კი ატარებდა. «რიდენი რამე მეშოვნეს ქალაქსა ხატაველთასა. იგი მესხვივნეს მშვენოდეს», ამბობს ტარიელი (393). თინათინს რომ პირი დაეფარა ავთანდილთან შეხვედრისას. პოეტი აღარ დასწერდა «პირისპირ უქვრეტდა»-ო (80, 81).

ნესტანდარეჯანი დიდ ნადიმში ზის უჩადროთ. «პირისპირ მიჯდა იგი მზე. გული ვისთვისაც კვდებოდა, მალვით უქვრეტდი, მიქვრეტდა, სხვად არად მეუბნებოდა» ამბობს ტარიელი (396). მისი ქორწილი ფრიდონისას ამავე წესებით წარმოებს. «ნესტანდარეჯანს უშვენის ღიმილი, ჩენა კბილისა» (1301). თუ ახალგაზდა ქალები ასე თამამათ ჩნდებიან საზოგადოებაში, ხანში შესულზე ლაპარაკიც კი მეტია. ყველა ქალი ყოველგან სახედაუთარავია. თვით ნადიმობა წარმოებს არამაჰმადიანური წესით. ჭამა-სმა და ლხინი ყოველთვის ღვინით ხდება. «არვისი ბრძანა მეფემან არცა გაშვება მთვრალისა» (396). თინათინის ქორწილზე «მსმელთათვის წყარო ღვინისა ასგან სდის. მსგავსი მილისა; ბინდით ცისკრამდის სმა იყო, გარდაჰხდა ქამი დილისა» (1384); ფრიდონმა როსტეევანს «მადლი ჰკადრა ფხიზელურად, თუცა იყო ღვინო-სმული» (1391). ქალის ხელზე კოცნა, რაიცა პირველათ საშუალო საუკუნეში შემოვიდა ქრისტიანთა შორის. შემოღებული აქვს რუსთაველსაც. დიდებულები შეეგებენ ნესტანდარეჯანს, «მოვიდეს და პირი ხელსა დასდევს. აგრე გარდაჰკოცნეს» (1293). აწერა თინათინის გამეფების და ნადიმის პოეტური განმეორება ისტორიკოსის მიერ აწერილი თამარის გამეფებისა, როგორც ეს ზემოთ მოვიხსენიეთ.

ერთი სიტყვით, პოემა არც რელიგიური დოქტრინით, არც აწერილი ზნე-ჩვეულებებით არა თუ არ გავს მაჰმადიანურ მსოფლმხედველობას, პირიქით სავსებით ეწინააღმდეგება მას და მის მიერ დაწესებულ ადათებს. მაჰმადიანური შიგ არაფერია, გარდა სახელებისა და გეოგრაფიული ტერმინებისა, რითაც მოხერხებულათ იფარება წარმოდგენილი ქართული სინამდვილე. ეს იმდენათ აშკარაა, რომ თვით მარიც კი იძულებულია თქვას. რომ პოემის «ქალის კულტი თამარის ხანის განათლებული საზოგადოების ღვიძლი შვილიაო» (იხ. იქ.).

პაველ ინგოროყვა შოთას არ უკიციებს მაკმადიანობას, მაგრამ სამაგიეროთ მას აწერს მწვალებლობას. მისი აზრით პოეტი იყო მანიქეველი, მაშასადამე მართმადიდებელი ეკლესიის მტერი და პოემაში მანიქეველთა მსოფლმხედველობა გაატარაო. ამ შემთხვევაში ავტორი ემყარება ერთ ფრაზას. ერთ სიტყვას, ისტორიულ დოკუმენტში ამოკითხულს. აქ ნათქვამი ყოფილა: «შოთაი მანისფერი». საბუთი შეტად მკლევ. სქოლასტიურია. საჭიროა დამტკიცდეს სამი დებულება: რომ აქ ნახსენები შოთა პოეტი შოთაა. რომ აქ ნათქვამი მანი მართლა მან-ათ იკითხება და არა მუნ-ათ, როგორც ზოგი ფიქრობს, მესამე და ეს თავიდათავია, რომ არის თუ არა პოემაში მართლა გატარებული მანიქეველთა აზროვნება. დავანებოთ თავი პირველ ორ ჰიპოტეზას. როგორც მცირე მნიშვნელოვანს და სადაოს. უდაოა ორი საგანი: რუსთველის პოემის და მანიქეველთა მსოფლმხედველობის არსებობა. ყველას შეუძლია ორივე გაიცნოს და შეადაროს. არის მათ შორის რამე საერთო? ბ. კეკელიძემ ნათლად დაამტკიცა თავის «ისტორიაში» ამ ორი მოძღვრების სრული შეუთავსებლობა. მათ შორის სრული წინააღმდეგობაა და გვაკვირვებს ბ. ინგოროყვამ როგორ ასე უყურადღებოთ დასტოვა თავის წიგნში ეს საბუთები. ჩვენი ისტორიკოსი მანიქეველების მოძღვრებათ აღიარებს მზის გაღმერთებას. მხეს «ღვთაების ემანაციათ». და რადგანაც რუსთაველის გმირები მხეხე ლოცულობენ, მათი აზროვნების ერთ-იგივეობა ბოძებულია; აი ავტორის მთელი არგუმენტაცია.

არც ერთი ეს არგუმენტი სინამდვილეს არ შეეფერება. მანიქეველთა ფილოსოფია დაყრდნობილია ორი რელიგიის — ზორასტრიას და ქრისტეს ძირითად დებულებათა შედუღებაზე. პირველისაგან აღებულია მოძღვრება ორი ღმერთის,

კეთილის და ბოროტის (ორმუხდი და არიმანი) არსებობა, ხოლო მეორისაგან ნასესხებია დოღმატები. იერარქია. ეკლესია და სხ. ე. ი. მანიქეველობის ნიშნობლივი თვისებაა რელიგიური დუალიზმი და ქრისტიანული ასკეტიზმის უსაზღვრო განვითარება და განსაზოგადოება. რუსთაველი კი რელიგიური მონიზმის მიმდევარია. ღმერთი ერთია; პოემაში ღმერთი ნახსენებია 193 ჯერ დაყოველთვის ერთი და იმავე აზრით. მგოსანი ჯერ კიდევ წინასიტყვაობაში გვამცნობს თავის რელიგიურ შეხედულებას, რაიცა გატარებულია შემდეგ მთელს პოემაში. აქ ვკითხულობთ: «ჰე. ღმერთო ერთო, შენ შეჰქმენ სახე ყოვლისა ტანისა, შენ დამიფარე, ძლევა მეც დათრგუნვად მე სატანისა» (11). ე. ი. ღმერთი ერთია, ქვეყნის გამჩენი, მაგრამ არის აგრეთვე სატანა, მაცდური, რომლის დათრგუნვად ღვთის დახმარებით შეიქლება. ეს ასე ვთქვათ საკაცობრიოსახალხო რწმენაა. აქედან გამონაკლისს შეადგენს ზოროასტრის რელიგია, სადაც სატანა ღვთის ღირსებამდეა აყვანილი. რუსთაველის ღმერთი კი ერთად ერთი ყოვლად შემძლე არსებია, რომლის ბადალი არ სუფევს. «რაცა ღმერთსა არა სწადდეს არა საქმე არ იქმნების» (678). ან და «ღმერთი კარგსა მოავლინებს და ბოროტსა არ დაჰბადებს» (1328), «ღმერთო. ღმერთო გეაჯები. რომელი ჰვლობ ქვეყნათ-ზესა» (694). ერთი სიტყვით ღვთის ანტიმანიქური წარმოდგენა პოემაში თავიდან ბოლომდე გატარებულია.

რაც შეეხება მანიქურ ასკეტიზმს, მის მიერ ოჯახის, ცოლ-ქმრობის, სააქაო სიხარულის და სიამოვნების დაგმობას და ქვეყნის მონასტრათ და მონაზონათ გადაქცევას—აქ ზომსავსებით ეპირდაპირება ის რუსთაველის მთელ პოემას, სადაც ბრძოლა სწარმოებს სწორედ ცოლ-ქმრობის და საქვეყნო სიამოვნებისათვის და ასკეტიზმის კვალიც კი ამოგდებულია.

პ. ინგოროყვა შეცდომაში შეყავს პოეტის მიერ მზის და-

ხასიათებას. მისი მნიშვნელობის გადიდებას. მაგრამ აქ მზე მარტო არ არის, ყველა შვიდი მნათობი დიდ როლს თამაშობს პოემაში: აეთანდილ ყველაზე ლოკულობს. ყველას აქებს და დახმარებას სთხოვს (831-837). ეს ასროვნება უფრო ასტროლოგიის სფეროდან არის, ვინემ რელიგიიდან. ქართული საეტილოც ამ ასროვნების შედეგია. თვითველი მნათობი აღკურვილია თავ-თავისი თვისებით. მზე არის «მკლეთა მკლე», ზუალო (სატურნი) იძლევა ცრემლს, მუშთარი (იუპიტერი) იძლევა სიმართლეს, მარიხი ლახვარით დამკრელია, ასპიროს (ვენერა) კეკლესია. ოტარიდი (მერკური) მწერალია, მთვარე მზის მოციქულია. პოეტმა ეს საუცხოვო დახასიათება უეკველია ამოიღო ხალხის თქმულებიდან. სახალხო ზეპირსიტყვაობიდან და ქალღმის ასტროლოგიიდან. პოეტი მხეს უწოდებს ადამიანებსაც, როცა მათი ქება ეკივრება. ის მხეთ იხსენიებს თამარს (111), თინათინს (5), აეთანდილს (მსგავსი მზისა» 9), ნესტანდარეჯანს, ტარიელს და სხ. (832, 858 და სხ.). და თუ მზე ღვთის სინონიმით მივიღეთ, რამდენი ღმერთი ყოფილა! არა, აქ პოეტი პირწმინდათ მისდევს ქართველ სახალხო თქმულებას და მას იმეორებს. შვიდი მნათობის განსაკუთრებითი პატივისცემა განმეორებულია არა მარტო პოემაში, არამედ «ქართლის ცხოვრებაშიაც». ისტორიკოსი თამარს უწოდებს «მზე იგი მზეთა», «შვიდ მნათობიანს» და მას ადარებს «შვიდთა მათ სარტყელთა ცისათა, მნათობთა სფეროსანთა, რომელ არიან კრონოს, ზეეს, აფროდიტე, აპოლონ, ერმი, იროკლი და არეა» (სახელები ბერძნულია, გვერ. 277—278).

როგორც ხედავთ, რუსთაველი აღიარებს ერთ ღმერთს და პატივს სცემს შვიდ მნათობს. «ქართლის ცხოვრ.» სიტყვით ასეთი რწმენა საქართველოში ვითომ ალექსანდრე მაკედონელმა შემოიღო.

«და უბრძანა ალექსანდრემ აზონს, რათა პატივს სცემდენ მზესა და მთვარესა. და ვარსკვლავთა ხუთთა და მსახურებდენ ღმერთსა უხილავსა. დამბადებელსა ყოვლისასა. რამეთუ მას ეამსა არ იყო წინასწარმეტყელი და მოძღვარი სჯულისა ქეშმარიტისა...» (გვ. 27) რასაკვირველია ეს ახსნა ქართველი ხალხის ამ რწმენისა მართალი არ არის: მაკედონელი აქ არაფერ შუაშია. აქ საყურადღებოა ამ რწმენის ისტორიული კონსტატაცია, რომ ის არსებობდა სინამდვილეში: რუსთაველმა აგვიწერა ეს სინამდვილე. ეს ხალხური შეხედულება, ხოლო მოძღვრება «სჯულისა ქეშმარიტისა» განზე გადადვა.

ამაირათ, რუსთველი ერთიანთ ემყარება საყოველთაო რელიგიურ რწმენას, საერთო შეხედულებებს, ხოლო «სჯულის ქეშმარიტი». როგორც კერძო და სადაო. განდევნილი აქვს. საერთოა, როგორც ვთქვით, ღმერთი და მნათობთა პატივისცემა. ამას ემატება მესამე ასეთივე საყოველთაო რწმენა—ბედისწერა, ფატალიზმი. ამ მოვლენის დახასიათებით ბოლოვდება პოეტის მთელი რელიგიური შემეცნება. ყველა ხალხში ღრმად გამჭდარი იყო და არის. რომ «რაცა ღმერთსა არა სწადდეს, არა საქმე არ იქმნების»; ამიტომ რუსთაველის გმირები უსაშველო ფატალისტებია. ავთანდილი ამბობს: «თავსა ჩემსა გაგებული იქმნას, რაცა ღმერთსა უნდეს» (627). «არვის ძალუძს ხორციელსა განგებისა გარდავლენა». «რაცა ღმერთსა გაუგია თავსა ჩემსა გარდასავლათ, გარდამხდეს და შემოვიქცე აღარ დამრჩეს გული ავლად» (680—681). ტარიელმა გადასწყვიტა სამასი მეომრით ეკვეთოს ხატაელთა ურიცხვ ჯარს და გულს ასე იმაგრებს: «რაცა იქმნების, იქმნების, ყოვლი თათბირი სწორია» (351). ასეთი რწმენა მართლაც აზნეუებს და აგულოვანებს ადამიანს და მას ვაქცაყათ ხდის. ფატალიზმი გმირის მიუცილებელი თვისებაა, ასე ყოფილა

მუდამ ისტორიაში, ასევეა «ვეფხისტყაოსანში». პოეტს სწორედ ასე ესმის ფატალიზმის მნიშვნელობა. ავთანდილი ემხადება მეკობრეებთან საბრძოლველად, ვაჟრები შეშინდენ. ის კი ანუგეშებს: «უგანგებოთ ვერას მიზმენ. შეცამებნეს ხმელთა სპანი. განგებაა, არ დაერჩები, ლახვარია ჩემთვის მზანი. ვერ მიხსნიან ვერ ციხენი, ვერ მოყვასნი, ვერცა ძმანი, ვინცა იცის ესე ასრე. ჩემებრვეა გულოვანი» (906). ცნობილია, ნაპოლეონის ფატალიზმი. ის ტყვიას არ ერიდებოდა და სწორედ ავთანდილისებურათ ამბობდა—უგანგებოთ ვერას მიზმენო!

რუსთაველის გმირები მართო ბედზე არ ემყარებოდენ. ავთანდილი ამბობს: «ბედი, ცდა და გამარჯვება. ღმერთსა უნდეს მოცახვდების» (783). მაშასადამე, ცდა ანუ მუშაობა, ბედის მონახევრეა. კომერის ყველა გმირი ფატალისტია, მაგრამ იმავე დროს დიდი მუშაკებია. სანოგადოთ, ელინური მსოფმხედველობით ბედს მორჩილებს თვით ზევსიც: ბედი საყოველთაოა, მსოფლიოს სისტემაა, რასაც ემორჩილება ყოველი. თანამედროვე ენით რომ ვთქვათ—ეს დეტერმინიზმია. მორწმუნეთათვის რელიგიური, მეცნიერთათვის ბუნებრივი. სახალხო რწმენაა რელიგიური დეტერმინიზმი. ღმერთი უხილავი ყველა მოვლენის სათავეა.

რუსთაველის რელიგიურ მსოფლმხედველობას სრულიად არ უდგება არც ნ. მარის განმარტება. ნეოპლატონიური მოძღვრება პოემაში არ სჩანს. ამ მიმდინარეობის ნიშნობლივი თვისებაა რაციონალიზმი, მოვლენათა მთავარ მიზეზათ გონების აღიარება. ხოლო ეს გონება არის გაკნეული ყოველგან, ყველა ნივთში და არსებაში. მისი ღმერთი პანთეისტურია. რუსთაველის ღმერთი კი დგას გონების გარეთ, მის მაღლა, მისგან გამოდის ყოველივე, თვით გონებაც; ის ინდივიდუალური არსებაა, ცის და ხმელეთის შემქმნელია.

ამ ნაირათ რუსთაველის მსოფლმხედველობა არც პანთეი-

სტურია, არც ათეისტური; ის თეისტურია; მისი თეიზმი არც ქრისტიანულია, არც-მაკმადიანური, არც სექტანტური, ის არის საყოველთაო, საერთო. საკაცობრიო, ადამიანურია.

როგორ მოხდა ასეთი თხუზულების შექმნა უაღრესათ სარწმუნოებრივ. ქრისტიანულ ეპოქაში, საქრისტიანო და სამაკმადიანო მსოფლიოს დატაკებაში, მონასტრების და მონაზონობის აღორძინების ხანაში?

შევეუდგეთ ამ ამოცანის ახსნას.

მიზეზი ორგვარია: საერთო კულტურული და სახელმწიფოებრივ-პოლიტიკური.

მიზეზი კულტურული. ქრისტიანობას საქართველოში დახვდა უკვე ჩამოყალიბებული ქართველი ერი, საკუთარი ენით. განსაზღვრული ტერიტორიით და სახელმწიფო წყობილებით. ამ მზა-მზარეულ, ისტორიულათ შემუშავებულ ნაციონალურ საზოგადოებას ის მოველინა გარედან, წმინდა რელიგიური დროშით, საკუთარი მიმდევრებით და დოღმატებით. ის ქმნის არა ახალ საზოგადოებას, არა ახალ საღსს. არამედ ახალ სარწმუნოებას უკვე შექმნილ საზოგადოებაში. მისი როლი იფარგლება რელიგიური, იდეური მოღვაწეობით; საერთო მიმდინარეობის და ცხოვრების გვერდით ბუდეს იკეთებს საქრისტიანო მიმდინარეობა; მხედრული და ხუცური სულისკვეთება მის-მისდა, ერთი-მეორის გვერდით ვითარდებოდა. ერთი-მეორის წაუშლელათ და შთაუნთქმელად.

სულ სხვა როღს თამაშობს ქრისტიანობა დასავლეთში. აქ რომის იმპერიის დაშლამ გამოიწვია თვით საზოგადოების დაშლა, ყველა მისი შემაერთებელი ძაფების დაწყვეტა და შემოსეულ ბარბაროსების (გერმანელების) გაბატონება. სახელმწიფო, მისი ტერიტორია, მისი მართველობა მოისპო, ყველაფერი ერთმანეთში აირია, სოციალური ქაღსი გამეფდა, მუშტის უფლება გაბატონდა. ამ დროს, ამბობს გიზო, საე-

რო მთავრობა იყო ყაჩაღობა, ძალმომრეობა, რომლის უღელ ქვეშ გმინავდა დაშლილი საზოგადოება. «ეკლესია. რაც უნდა მცირე ყოფილიყო მისი შეხედულება მორალზე და სამართალზე. მაინც უსაზღვროთ მალლა იდგა ასეთ მართველობასთან შედარებით». უკვე მეთე საუკუნეშიაც კი «ხალხს არ შეეძლო თავის თავი დაეცვა, საერო ძალმომრეობისათვის პასუხი გაეცა. რელაგია ერეოდა მის გვერდით ზეცის სახელით. ამ მიზეზმა ყველაზე უფრო შეუწყო ხელი თეოკრატიული პრინციპის გამარჯვებას». ცხადია. ეკლესია აქ თამაშობს არა მარტო რელიგიურ როლს, ის უაღრესათ კულტურული მუშაკია. დაშლილ საზოგადოებაში ერთად ერთი ეკლესია რჩება დაუშლელი, ძლიერი ორგანიზაციით და ჯვარით და სახარებით ხელში ბარბაროსობის დამთრგუნველი. ის აწყობს ახალ საზოგადოებას. ასწავლის ძლიერთ მართვას. სუსტთ ამხნეებს. მისი მონაწილეობით ისახება ახალი ხალხები, ჩნდება ფრანგი, იტალიელი, ისპანიელი, ინგლისელი. ყალიბდება თანამედროვე ერები და მათი ტერიტორიები საკუთარი კულტურით, ენით და წყობილებით. ქრისტიანობა დასავლეთში თამაშობს დიად კულტურულ როლს. ის ღრმად იდგამს ფესვებს ხალხის გულში და ეს მისი ძლიერება გრძელდება დღევანდლამდე. ევროპიელი საზოგადოება დღესაც რელიგიური საზოგადოებაა. სახარება და დაბადება მისთვის ჩვეულებრივი საკითხავი წიგნია.

აი ასეთი როლი ითამაშა ქრისტიანობამ ყველა საქრისტიანო ერში. გამოჩაკლისია მსოლოდ ორი ერი—ქართველნი და სომეხნი. მაგრამ ვინაიდან სომეხებმა ადრე დაკარგეს თავისი სახელმწიფო და გასდენ დამპყრობელთა მსხვერპლი, ამიტომ მათ შორის ერთად ერთ შემაერთებელ და დამცველ ძალათ რჩება ეკლესია. ჯვარი და სახარება აქ იწყებს კულტურული როლის თამაშს, მსგავსათ დასავლეთისა.

მაშასადამე, რჩება ერთადერთი გამონაკლისი ამ საერთო მოვლენიდან—ეს არის საქართველო და მისი ეკლესია. ჩვენი აზრით, ქართველი ერის ცივილიზაციის თავისებურობა, მისი საკუთარი, ნაციონალური გზა აი ამ მოვლენაში იხატება.

რაკი ქრისტიანობას დახვდა ჩვენში ყოველივე ის, რის შექმნა მას სხვაგან თვით დასკირდა, რაკი აქ მისი ასპარეზი მხოლოდ სარწმუნოებით განისაზღვრა, ცხადია. ის საღვთის გულში ღრმად ვერ ჩაიქედებოდა და თავის სულიერ ბატონობას მასზე ვერ დაამკვიდრებდა. ქართველი საზოგადოება უაღრესათ არა-რელიგიური საზოგადოებაა. ეს მოდის ძველთაგან. დღევანდლამდე. ამიტომ ერთიდაიგივე პროცესი, ეკლესიის გაბატონება საერო მართველობაზე, ამუშავებული ერთდამივე დროს ჩვენში და დასავლეთში, მარცხდება ჩვენში. იმარჯვებს ევროპაში. ჯავახიშვილის გამოკვლევით, მეცხრე საუკუნეში ქართველი სამღვდელთა უკვე აღარ ემორჩილება საერო მართველობას. მათ «მთავრის მოწვევის ბარათზე შეეძლოთ პასუხათ შეეთვალათ, ბერს შენთან «არა ნებავს მოსვლა». ის მეფეს ეუბნებოდა: შენ წარმავალთა ამათ ჟამთა მეფე ხარო, მე კი, შენ კი არა, მხოლოდ ქრისტე ღმერთს ემორჩილები და იმის გარდა სხვას არავისო და სხ.»¹⁾ აი ეს საეკლესიო მიმართულება დავით აღმაშენებლის დროს უკვე დამარცხდა და იმ დროს, როცა დასავლეთში ეკლესია იმორჩილებდა მეფეთ, ჩვენში პირიქით. მეფე იმორჩილებს ეკლესიას. ამას არავითარი ბრძოლა, საეკლესიო რასკოლი, მსგავსათ პეტრე დიდის დროის რუსეთისა, რეფორმაცია და საზოგადოთ რელიგიური პროტესტი არავითარი ფო-

¹⁾ ივ. ჯავახიშვილი. ქართული სამართლის ისტორია. წიგნი პირველი.

რმით არ გამოუწვევია. სამღვდლოების პრეტენზიას ხალხში ნიადავი არ აღმოაჩნდა. ეს პრეტენზია რამდენიმეთ თავს სწევს მენჯილმეტე საუკუნეში, ევრეთ წოდებულ აღორძინების ხანაში, მაგრამ აქაც ის რჩება სმად მღალადებლისა. ის ხალხს ვერ იორევეს. ვახტანგ მეფის კანონში ქათალიკოზის და მეფის სისხლი ერთი ფასითაა შეფასებული. რაიცა იურიდიულ სფეროში ეკლესიის უმალეს მიღწევათ უნდა ჩაითვალოს.

ამნაირად, რუსთველის პოემა დგას ამ კულტურულ ჩარჩოში; ის ამ კალაპოტის საუკეთესო გამომხატველათ უნდა ჩაირიცხოს. პოეტისათვის ყოველივე საეკლესიო ხუცურია, ხუცების ასპარეზია და აქ საერო მოღვაწენი არაფერ შუაშია. დავით აღმაშენებლის დროს დაწყებული საერო საზოგადოების სრული ემანსიპაცია სასულიერო საზოგადოებისაგან «ვეფხისტყაოსანში» პოულობს სრულ გამოხატულებას. და ეს არც კი უკვირს მაშინდელ საზოგადოებას. პოემის ურელიგიობა, არაქრისტიანობა არაერთარ პროცესტს არ იწვევს, იმდენათ სუსტი იყო ეკლესიის გავლენა. მართალია, პ. ინგოროყვა უთითებს «ვეფხისტყაოსანის» დევნაზე რელიგიური მოტივებით, მაგრამ ამის ვერც ერთი საბუთი ვერ წარმოადგინა. ხოლო საბუთები იმის, რომ პოემა იდეენებოდა არა რელიგიური, არამედ რომანიული მოტივებით. არსებობენ. ვახტანგ მეფის სიტყვით პოემას უწოდებდენ «სამეძაოს». ე. ი. სიყვარულის მქადაგებელს. ამასვე უკიყინებს პოეტს შემდეგ ტიმოთე მიტროპოლიტი (1749 წ.) თავის იერუსალიმში მოგზაურობაში. მაშასადამე. ქართველი საზოგადოებისათვის ახალი და მიუღებელი იყო არა პოემის საერო ხასიათი, არამედ მისი რომანიული შინაარსი, ცოლქმრობის სიყვარულზე აგება, თავისი ამორჩევით დაქორწინება.

მისეხი პილიტიკოსი. პატარა ქართველი ერი, მომწყვე-

დეული სხვადასხვა არაქრისტიან ერთა შორის, თავს ვერ შეინახავდა ვერც ფიზიკურათ. ვერც პოლიტიკურათ სარწმუნოების დროშით. ის უნდა შეწყობოდა ისტორიულად ბოძებულ მდგომარეობას: მეზობლებთან საერთო ენის გამონახვას, მათთან დაახლოვებას და დაკავშირებას. მათ ყოფდა რჯული, ამ ნიადაგზე მათი კავშირი შეუძლებელი იყო. მათი ერთობა შეიძლებოდა სახელმწიფო ინტერესების ნიადაგზე. აქედან, სარწმუნოების თვითთული ხალხის შინაურ საქმეთ აღიარება, ხოლო სახელმწიფო ინტერესების პოლიტიკის მთავარ ღერძათ გამოცხადება—აი რით ხასიათდება საქართველოს მეფობა, დაწყებული დავით აღმაშენებლიდან. ეს მიდრეკილება თამარ მეფემ კიდევ უფრო განავითარა და თავის საშინაო პოლიტიკათ გაიხადა. მის საბრძანებელში შედიოდა მრავალი სხვადასხვა ტომი: გარდა ქართველისა და სომეხისა, ყველა მაჰმადიანები; ამათი რიცხვი ხშირათ ქრისტიან ქვეშევრდომთა რიცხვს არ ჩამოუვარდებოდა. რით შეეძლო თამარს ამათი ერთათ დაქერა თუ არა წმინდა საერო სახელმწიფო პოლიტიკით? ჯავახიშვილი სრულ სიმართლეს სწერს, როცა თამარ მეფეს აღიარებს უდიდეს პოლიტიკოსათ. ეს ქალი ამ მეტად ჭრელ საზოგადოებას იმორჩილებს უმთავრესათ სწორი პოლიტიკით, რელიგიური ბრძოლის სავსებით განდევნით და შემაერთებელი მომენტების წინ წამოყენებით.

დავით აღმაშენებელი მეტათ ღვთის მოსავი კაცი იყო, მას საკუთარი ლოცვებიც კი შეუთხზავს. მაგრამ ეს მას არ უშლიდა ჯამეშიაც ევლო, იქაც ელოცა და სოჯებისათვის საჩუქრები ერიგებია. მანვე სომხებს აუშენა გორი და იქ ჩაასახლა. თამარის მამამ, გიორგიმ, ანისის აღების შემდეგ დამორჩილებულ მცხოვრებთ, მაჰმადიანთ და სომხებს, 40 ათასი დრაკანი დაურიგა, ხოლო ქართველ მეომრებისაგან ტყვეთ აყვანილნი თავის ხარჯით გამოიყიდა და ქალაქს დაუბრუნა.

თამარის დროს იყო ერთი საეკლესიო პროცესი, რომელიც ახასიათებს მთელ ეპოქას. სომხის ორი მონასტერი ერთმანეთს ედავებოდა ძვირფას ჯვარს. მთავრობამ დანიშნა საგანგებო სასამართლო პირველი მინისტრის, ჟეონდიდელის, თავმჯდომარეობით. ხოლო მოსამართლეებათ დანიშნა გარდა ქართველ-სომეხ ეკლესიის წარმომადგენლებისა, მაკმადიანი სარწმუნოების მეთაურებიც: ყადები თფილისის, ანისის და დვინის! ე. ი. მაკმადიანები სწვევდნენ საქრისტიანო წმიდანის საქმეს! ამაზე უფრო რელიგიათა გათანასწორება შეუძლებელია.

როგორც ხედავთ, რელიგიური მშვიდობიანობა, ყველა რელიგიის პატივისცემა და დახმარება საქართველოს სახელმწიფო პოლიტიკა იყო. ქართველი ქრისტიანული მთავრობა მაკმადიანურ ეკლესიაზე სწირათ მეტს მზრუნველობას იჩენს, ვინემ თვით მაკმადიანური მთავრობები, თვით მაკმადიან მემატიანეთა სიტყვით. ბრძოლა მაკმადიანურ სახელმწიფოებთან იყო გამოწვეული არა რელიგიური მოტივებით, არამედ სახელმწიფოებრივი და პოლიტიკური¹⁾. ამით აიხსნება ისიც, რომ ჯვაროსანთა ომში საქართველოს მონაწილეობა არ მიუღია. მაშინ როდესაც სომხეთმა თავისი სახელმწიფოს ბედი ჯვაროსანთა გამარჯვებას შეუერთა²⁾. ეს ორი პოლიტიკა გათავდა ორნაირათ. სომხების სახელმწიფო მოისპო მეცამეტე საუკუნის გასულს. ჩვენმა მოაღწია მეცხრამეტემდე. და ვინ იცის, შეიძლება მას მოეღწია დღევანდლამდეც. რომ თამარ მეფის პოლიტიკა რუსეთის ზეკავლენით შემდეგ არ შეცვლილიყო.

¹⁾ იხ. დაწვრილებით ჯავახიშვილის ისტორია.

²⁾ იხ. ზ. ავალიშვილის წიგნი «ჯვაროსანთა დროიდან». 1929.

რამდენათ უფროსხოდა საქართველო შინაგან რელიგიურ შუღლს ნათლათ სჩანს ერთ დიდებულ თქმულებიდან, რაიცა «ქართლის ცხოვრებაში» ისტორიულ ფაქტათ არის გადმოცემული. როცა ქართველებმა ქრისტეს საწმენობა მიიღეს და მისი მოძღვრება გაიცნეს, პირველი მათი რისხვა რასაკვირველია, ებრაელების წინააღმდეგ უნდა მიმართულიყო, რომელთაც ასეთი ღმერთი აწვალეს. ჩვენში კი იმ დროს ებრაელები უკვე დასახლებული იყვნენ (მცხეთას) და მაშასადამე მათი განდევნა, მსგავსათ მრავალი საქრისტიანო ქვეყნებისა, მოსალოდნელი იყო. აი აქ მათ დასაფარავათ ითხზება მშვენიერი ამბავი, თქმული ებრაელ-აბიათარისა, საიდანაც ვტყობილობთ რომ ქრისტეს თანამედროვე ქართველი ურიები მას სცნობდენ «მაცხოვართ» და «მხსნელათ» და წინააღმდეგი ყოფილან მისი წვალებისა! ეს ამბავი «ქართლის ცხოვრება»-ში ორ ალაგას არის მოთხრობილი, როგორც ისტორიული ფაქტი.

ერთი სიტყვით, თამარ მეფის ხანაში გაბატონებული პოლიტიკა მოითხოვდა რელიგიური საკითხის უკუგდებას და საერთო პოლიტიკურ და სოციალურ ინტერესებზე სახელმწიფოს დაყრდნობას. შოთა, როგორც ამ ეპოქის საუკეთესო გამომხატველი და თამარის რიგებში ღებრძოლი, დადგა სწორეთ ამ ნიადაგზე; მისი ურელიგიობა მისი პოლიტიკაა, სახელმწიფო მოსაზრებაა. ის უგალობს არა ქრისტიანს ან მაჰმადიანს, არამედ ადამიანს, საზოგადოებას, რომელსაც მეთაურობდა დიდი მეფე-ქალი და რომლის პოლიტიკა მას მოსწონდა.

ქართველ არა-რელიგიურ საზოგადოებას სავსებით ეგუება ქართული არა-რელიგიური პოემა და რა გასაკვირია ის მას შეეყვარებია და თავის გულის სიდრმეში საუკუნოების განმავლობაში ეტარებია.

სსკადახსკა ხაკითხი.

«ვეფხისტყაოსანი»-ს მკვლევარნი, დაწყებული ნ. მარით და გათავებული კ. ქეკელიძით და პ. ინგოროყვათი, ამ პოემას ათავსებენ ნაწარმოებთა იმ სერიაში, რომელიც იმ დროს მეტათ გავრცელებული იყო და ეწოდებოდა სადევ-გმირო ამბები. ამ ლიტერატურის საუცხოვო ნიმუშია ამირან-დარეჯანიანი, რომლის გავლენა რუსთაველზე აშკარაა. პოეტმა შეთხზა თავისი ფაბულა უკვე არსებულ საგმირო ფაბულებიდან, ხალხში წერილობით თუ ზეპირათ გავრცელებული ზღაპრული მოთხრობებისაგან. ამ წესით ავტორმა პოემა დაუახლოვა ხალხს, გადააბა მის ფსიხიკას, მის სულისკვეთებას.

აქ იბადება საკითხი: რამდენათ შორს წავიდა პოეტი ამ დაახლოვებაში. რამდენათ დაემორჩილა ის ხალხის მიერ ქვეყნიერების ფანტასტიურათ წარმოდგენას. მის ცრუმორწმუნოებას, მის უცოდინარობას ბუნების კანონებისა და ყოველგან და ყოველთვის სასწაულებრივი მოქმედების ძებნას?

სადევ-გმირო ამბები ამ სფეროში შეუზღუდველია. მათში ხალხის ცრუმორწმუნოება სავსებით გაბატონებული და გაძლიერებულია. და აი, სწორეთ შესანიშნავია ის გარემოება, რომ რუსთველმა ერთიანათ უარყო ეს გზა. გამოეყო გავრცელებულ ხალხურ ზღაპრულ ფორმებს, არ დაემორჩილა საერთო ცრუმორწმუნოებას, არ მიიღო არც ერთი ნიშანდობლივი მხარე სადევ-გმირო ამბებისა.

«ვეფხისტყაოსანი» არ არის სადევ-გმირო ამბავი.

ამ ამბების დამახასიათებელი თვისებაა მათი სასწაულებრივი ეპიზოდები. აქ მოქმედება არ ემორჩილება ბუნების კანონებს, გმირები არ წარმოადგენენ ჩვეულებრივ ადამიან-

ნებს. ისინი იმარჯვებენ თუ მარცხდებიან არა გარემოებათა ბუნებრივი ქსოვილით, არა ცხოვრების რეალური წარმოდგენით, არამედ ბუნების კანონების უეცარი დარღვევით, თილისმით. აქ გამართულია მუდმივი ბრძოლა ბოროტ და კეთილ ძალთა შორის (ორმუხდი და არიმანი). სადაც ყოველთვის უკანასკნელი იმარჯვებს. მაგრამ იმარჯვებს ისეთივე არა-ბუნებრივი საშუალებით, რომელსაც ბოროტი ძალა ხმარობს. ადამიანი ისე ადვილათ გადაიქცევა ვეშაპათ. როგორც ვეშაპი ადამიანათ. ერთი მხრით დგანან კეთილნი—ადამიანები, მეორე მხრით ბოროტნი—ღვეები და აესულები; ბრძოლაში გაქვივრების დროს ორივენი სწყვეტენ ბუნების რკალს და გვევლინებიან ზღაპრულ არსებათ.

არაფერი ამის მსგავსი არ არის «ვეფხისტყაოსანში». აქ მთელი მოქმედება, ფაბულის მთელი გაშლა და განვითარება წარმოებს ბუნებრივი გზით, საქმეთა ნამდვილი მიმდინარეობით. გარემოებათა ლოლიკით. ყველა კვანძი ისკვნება და იხსნება ადამიანის მიერ. ციური ძალის ჩაურევლათ. არავითარი ზღაპრული გარდაქცევა კაცის მხეცათ, მხეცის კაცათ; მართალია ორ ალაგას არის მოხსენებული დევი და ქაჯი, მაგრამ არც ერთი ეს ზღაპრული არსება სცენაზე გამოყვანილი არ არის: ისინი კულისებშია მათზე მხოლოდ მოთარობილია. ტარიელი ამბობს, რომ გამოქვავებულში დახოცა დევები და მათი სადგომი თვით დაიქირა. ხოლო თვით ეს დახოცვა, მათი ბრძოლა არა სჩანს. ჰამლეტის მამის სცენაზე გამოყვანა უფრო ზღაპრული ამბავია, ვინემ ტარიელის ეს ნაამბობი. ასეთივე ნაამბობია ქაჯების შესახებ. ქაჯეთის ციხის აღება ხდება თვით ქაჯების გამოუყვანელათ; რატომ? იმიტომ რომ ამით შექმნილიყო ბრძოლის თანაბარი პირობები ორივე მოპირდაპირე ბანაკისათვის. ქაჯეთის დამცველნი და ამლებნი ერთი და იგივე ადამიანებია, ერთნაირათ, ბუნებრივათ, მეომარ-

რნი. პოეტს, რასაკვირელია, შეეძლო ტარიელის ჯარის წინა-
აღმდეგ გამოეყვანა ქაჯები და ესენი მიუხედავად მათი ქაჯო-
ბისა დაემარცხებია. მაგრამ თუ ეს არ მოიმოქმედა ავტორმა,
მიზეზი აშკარაა—ბრძოლას ამით მიეცემოდა ზღაპრული ხასი-
ათი და მით პოემა დაემსგავსებოდა სადევ-გმირო ამბებს. გმი-
რული აქტი აქ ხდება არა მისტიური საშუალებით. *ჩარამედ*
ადამიანურით, ჩვეულებრივი ბრძოლით. სამასი მეომარი ამა-
რცხებს რამდენიმე ათასს—აი რუსთაველის გმირული აქტი.
მაგრამ ამაში ზეციური, არა-ბუნებრივი არაფერია. მცირე
გუნდის გამარჯვება დიდ ლაშქარზე ისტორიაში ხშირია. ამის
გასაოცარი ფაქტები შრავლათ მოიპოვება. გაიხსენეთ მაგალ-
რამდენს მიერ ასე კაცით ჰიტელთა დიდი ჯარის დამარ-
ცხება. †

რუსთაველის გმირები—ტარიელი, ავთანდილი, ფრიდო-
ნი და სხვანი სრულიად არ გვანან სადევ-გმირო ამბების მომ-
ქმედ პირებს—ამირან დარეჯანის ძეს, როსტომს, ყარამანს.
ვარშაყს და სხვათ. ისინი ჩვეულებრივი გულადი რაინდებია:
პოეტი კიდევაც გვიხსნის მათი გულადობის მიზეზს. ეს მიზე-
ზია მათი ფატალიზმი, მათი რწმენა ბედისწერაში, როგორც
ეს ზემოთ დავახასიათეთ. ეს ბუნებრივი ახსნა საგმირო საქმე-
ებისა სავსებით ანსხვავებს პოემას ზღაპრული მოთხრობები-
საგან. წარმოიდგინეთ, პოეტს არ გამოუყვანია ომის მსვლე-
ლობაში არც ერთი ბუმბერაზიც კი, თუმცა ბუმბერაზობა იმ
დროს მიღებული იყო მეომარ ბანაკთა შორის. მაგრამ ვინაი-
დან ბუმბერაზობა ერთნაირი ლატარიაა, შეიძლება მძლავრი
ლაშქრის ბუმბერაზი დაამარცხოს სუსტი ლაშქრის ბუმბე-
რაზმა და მით ომი სუსტის სასარგებლოთ გათავდეს, ამიტომ
რუსთაველი ამ საშუალებას არ მიმართავს. აი რამდენათ უფ-
რთხილდება ის უცაბედი მომენტის მოქმედებაში შემოტანას.
ის უაღრესათ რეალისტი მწერალია. ეს მისი რეალიზმი სჩანს

იმაშიაც, რომ თავის მთავარ გმირთ ის გმირს არ უწოდებს. ტარიელი ეუბნება ავთანდილს: «ტანად სარო და პირად მზე, მამაცად მსგავსი გმირისა» (226); თვითონ ტარიელზე ნათქვამია: «შევიდა მეფე ინდოთა, იგი მზე, მსგავსი გმირისა» (1372). ე. ი. მათი საქმეები არ იყო ისეთი არაჩვეულებრივი, რომ ისინი გმირებათ გამოცხადებულიყო. ისინი არიან მხოლოდ «მსგავსნი გმირისა».

პოემის მთელი მსოფლმხედველობა სავსებით უარყოფს სადევ-გმირო მსოფლმხედველობას. ქვეყნის ავსულების საბუდარათ წარმოდგენას, ზეციური ძალით აღქურვილ ადამიანების გამოჩენას და დავარდნილი კაცობრიობის მათ მიერ ბოროტებისაგან ხსნას. არც ერთი კვანძი ჯადოსნურათ არ ისკვნება და არ იხსნება, თუმცა ასეთი მომენტები დაშვებულია თანამედროვე პოეზიაში. «ჰამლეტის» კვანძი ისკვნება მიცვალებულის საშუალებით, რომელიც სცენაზე გამოდის და ჰამლეტს საიდუმლოებას გადასცემს.

«ვეფხისტყაოსანი» არც გარეგანი ფორმით გავს სადევ-გმირო მოთხრობებს. საზოგადოთ მთელ ეპიკურ პოეზიაში თუ მოთხრობებში მიღებულია ერთნაირი წესი მოქმედებისა: გმირი ბრძოლის წინ სიტყვებით მიმართავს მოწინააღმდეგეს, უფრო საგინებელით და დამამცირებელით. ილიადის ყველა გმირი ამ წესს მისდევს: ახილესის და ჰექტორის შეხვედრა იწყება სიტყვებით, თავდება სიტყვებით. ასევეა ჩვენებურ ზღაპრებში. ჰოი ბაე-ბალ დევო, მოდის ყარამანი შენს შესამუსრავათ. ან ჰოი, ყარამან-ყარდაშ. ვის უბედავ შენ შებმას და სხ. და სხ.—ი სადევ-გმირო ენაწყლიანობა. რუსთაველმა სავსებით უარჰკო მთელი ეს მიღებული ტრადიცია და თავის ეპიკურ დრამას მისცა თანამედროვე ფორმა.

ამნაირათ, ვეფხისტყაოსანი არის არა სადევ-გმირო ნაწარმ-უები, არამედ თანამედროვე შინაარსის და ფორმის რომა-

ნიული პოემა. საყვარელი ქალის დაკარგვა და მერმე მისი ძებნა—სხვა და სხვა ავანტიურების საშუალებით ახალ მწერლობაშიაც ხშირია (მაგ. ბალზაკის «ცამეტის ისტორია»). ზღაპრული აქ არაფერია. ამიტომ სრულიად გაუგებარია, როცა ტარიელს რუსულ ბილინების გმირთ ადარებენ და ილია მურომეცივით მას «ვიტიაზის» სახელით ნათლავენ (მარი. ბალმონტი). ტარიელი მხოლოდ გულადი კაცია, მეტი არაფერი. არაჩვეულებრივია შეიძლება ის, რომ მას ვეფხის-ტყავი აცვია. ილიადაში ვეფხის-ტყავს ატარებს პარისი. მშვენიერი ელენეს ქმარი. პომერი არ ხსნის თუ რატომ ასეთი კაბით შემოსა თავისი გმირი. მაგრამ თუ გავიხსენებთ იმას, რომ პარისი იყო განთქმული თავისი სილამაზით, ცხადია მისი მოკახმულობაც. ვეფხის-ტყავი, ითვლებოდა სილამაზის სიმბოლოთ, რასაც ჩვენ რუსთაველი გვიხსნის. «რომე ვეფხი შვენიერი სახედ მისად დამისახავს, ამაღ მიყვარს ტყავი მისი. კაბად ჩემად მომინახავს» (562). პოემის თვით სათაური, მაშასადამე, უკვე იძლევა მის მთავარ ძაფს. პოეტი ამით ხაზს უსვამს თავისი თხზულების არა გმირულს, არამედ რომანიულ მხარეს, ქალის სილამაზეს, სიყვარულს. მისთვის თავის დადებას. ფიზიკური ძალის სიმბოლოთ ითვლებოდა კუროს ტყავი: მაგ. პეტრორის ფარი კუროს ტყავისაა.

«ვეფხის-ტყაოსანში» ერთობ ხშირად ტირიან, ცრემლი ბევრი იღვრება და ეს ერთი შეხედვით ეპიკურ პოემას არ შეეფერება. რაშია საქმე? ამის მიზეზს გვიხსნის პოეტი. ის სწერს: «ყმა წავიდი სედიიანი. მკერდსა იცემს, ამაღ იღვებს. რომე კაცსა მიჯნურობა ატირებს და აგულჩვილებს» (607). ეს დიდებული განმარტება წარმოადგენს მუდმივ სინამდვილეს ყველა ეპოქაში. შეყვარებული უქველათ გულჩვილია და ცოტაოდენი დაბრკოლებაც კი ცრემლებს აღვრევინებს.

მაგრამ არის ორნაირი ცრემლი: ერთია სუსტის, ლაჩრის, მეორეა ძლიერის, ვაეკაცის. პირველი კაცს აგლახებს. ძალას აცლის. მეორე კი პირიქით, ენერგიას უმატებს, აგულადებს. რუსთაველის ყველა გმირი ეკუთვნის მეორე ჯგუფს. და ეს არა მარტო მამა-კაცები. დედა-კაცებიც. ჯერ მოიტირებენ, შემდეგ ცრემლს შეიშრობენ და ვაეკაცათ დგებიან. თითქოს ახალი ძალა მიიღეს ხეციდანო. ნესტანდარეჯანი მოულოდნელი განსაცდელით შეწუხებული ატირდა. «თვალთა ვითა მარგალიტი, გადმოჰყარა ცრემლი ხშირი». მაგრამ შემდეგ, «ადგა ასრე გულუშიშრად, ვეუხი იყო, ანუ გმირი. ლხინი ლხინად არად უჩნდა, მართ აგრეთვე უირად უირი» (1037). ამ მხრით რუსთაველის გმირები გვანან კომერის გმირთ. ახილესი თავისი საყვარელი მეგობრის, პატროკლის. სიკვდილით შეწუხებული, გლოვობს მოთქმით, პირის ხოკით და ცრემლთა დენით. როცა ტირილი მოათავა, ადგა, შეიარაღდა და მტერთა ბანაკს მუსრი გაავლო, მოჰკლა პატროკლის მომრღვი დიდი ჰეკტორი. ცრემლი გმირობის ელემენტია. მსოლოდ დიდ მომქმედს შეუძლია დიდი ტირილი. მაშასადამე, პოემაში გაპნეული ცრემლების მიზეზი ორი გარემოებაა: სიყვარული და მოსიყვარულეთა მორალური თუ ფიზიკური ძლიერება. «ვეფ. ტყაოსანის» ეს მხარეც სავსებით თავსდება რომანიულ და ეპიკურ თვისებათა ჩარჩოში.



ამით ვათავებ ჩემ შენიშვნებს «ვეფხისტყაოსანზე». მე შევამოკლე ჩემი ორი ლექცია საჯაროთ წაკითხული გამოცემის გასაადვილებლათ. მაგრამ ყველა მთავარი დებულება ავნუსხე და მათი საბუთებიც საკმარისათ მოვიყვანე. თვით თემა ისე დიდია, გამოსაკვლევად ასპარეზი იმდენათ ფართოა, რომ რასაკვირელია. მისი ამოწურვის პრეტენზია არ მქონდა და არც მაქვს. მე მხოლოდ დავკმაყოფილდი საერთო ხაზით. კვლევის გეზის ჩვენებით. ამ ხაზით კვლევა-ძიების გაგრძელება ქართველი ისტორიკოსების და არქეოლოგების მიერ ნაყოფიერათ დაგვირგვინდება.